

Wijalangasakya' Jonimì Wijalangasakake'nesì.

¹ Sinnawì yagaala datha' lîka yul-yarakesì. Yì Jizaazai Kiraazitiyai ku'maayaba marima'naabakesì. Sahwai neminyine'na yoimavakesì. Gotiyai daza' Jizaazarì yimwangakesì. Jizaazai gannya yaasiwa'wawinyaraavina yibwaridaakwia'ne' yime'nya'b' yima'nadenna wijaavakesì. Sai neminyina kunya, yawisa nejaavanì' yuya dazanna dare. Sai gamire mamaayarì ejeliyarì Joninnyawinna maryasaaba'. Nimi gamire yaasiwa'wawinyainyina yì sai yagaalya' nyijaava'.

² Nimi Joninnyì yuya dazangi tinna mena wangamwa. Yì nimi tinna wanganene yunebanna Gotiyare yagaalya' ku'maayaba jalikurakivanige. Yì yagaala Jizaazai Kiraazitiyai nyijalikurakaka daza'na jalikurakivanige. Nimi dara divanige. Yagaala daza' yì nebulyasi.

³ A'mwei Gotiyare yagaala datha dividaa'nya yima'nade wanganadadelyì nabaai yagaala Gotiyarì wì'nawji'waakadinya a'mwe yì'bwa'nawì'nadivisara kadika wì'nadivi' sahvara Gotiyare yagaala yida'mwe datha' sara mididivisarajì yilaaya yadivi' tewaanaanga winaderera. Sare' dare'nanyi. Gotiyai mena

dake yida'manige datha yima'nadehaa' yi sagaa' maalikageaki.

Kiraazitiyare kusilaanyangiya anga ata puridaa'nyi pwaraalyangina Joni yidavake'nesi.

⁴ Kiraazitiyare kusilaanyangiyaihi anga ata puridaa'nyi pwaraalya sabanyaihi!

Nimi Joninnyi yagaala datha' sarimi Eziya simagi mwaaihasaihirina yida'mwesi. Dahaa' Gotiyai mwaalikei, sahwai kigaakuna kuna mwaalakei, dividaa'nyi kuna yima'naabathei yi sahwai sariminyi yange'na yihigaimwagana! Sariminyi kwaamu'nanyabwi yihyana! Nabaai Kurya ata puridaa'nyi pwaraalyara (Kurya Nawinya Naangei) Gotiyare kinginamwaalyisavi daakasara sariminyi yange'na yihigaimwabika! Sariminyi kwaamu'nanyabwi yihyipika!

⁵ Nabaai Jizaazai Kiraazitiyai sai Gotiyare yawita yuya nebulya'na yida'na jalikurakadei sai aaya mudinanyai a'mwe bainikeraayawi ayina dikaavakei sai kingiya yuyara Kwaakevaki mwaaihasaraavi maremwaaidei yi sai sariminyi yange'na yihigaimwagana! Sariminyi kwaamu'nanyabwi yihyana!

Sai neminyi kale yange'na neyadei, yi sai gamire tawe savi nemire kayaa'nanyanna marasi'nakelyi. Kayaa'nanya sa nevwiyinikeina mamwaalya'ne'na balakelyi.

⁶ Sai neminyi maremwaidaanyainaavi nemwaaihada yi Gotiyari gannya Ganimaangeri widaaya'neina Gotiyarina mubithika yira'daanyaina “Su! Su!” widadaa yilaaya

wiadaa gaminyi makidaa yadaanyainaavi
nemwaaihakelyi. Sasarerine yaya naange'
byaanna naangesi diraginna ya'nebulyi
yuyagaa' yuyagaa' kuna warana! Sahirisira.
Nebula naangesi.

⁷ Yithaanyi! “Sai yiraayavi waimanaabiko.”

Yuyaraavire tinnaraalyi sahwari
wangabi'derina.

A'mwata wivadaakweta kwaraji
wangabi'derina.

Malimwagyara yita yuyavakaaviyara
wangabi'derera.

Sahwara siduta kwalaalya yawipi'dere.

We! Gaminyine like'na jakinna dipi'dere.

Yo! Sahirisira. Nebula naangesi.

⁸ Naangei Gotiyai dara divani! “Nimi yune
sahwainyi aaya sinnawinne nebulya'nanyainyi
(A). Nabaai wana nebulya'na aaya divineinyi
(Z). Sinnawinyainyi. Aayaangeinyi.” Yi
dazai dahaa' mwaalikei kigaakuna kuna
mwaalakei dividaa'nyi kuna yima'naabathei sai
Diraginya Yuyangi Aaya Kaavilyalyi. Yuyangi
Minyaginyalyi.

*Kiraazitiyari A'mweraavine Kaimiraayari
Joni tinna wanganake'nesi.*

⁹ Nimi Joninnyi sariminyi siryamweinyi.
Nimi sarimiji Jizaazar taanginyaviji
Gotiyai nemaremwaadeviji taanga
nejaavadivi' diraginna da'daanyaburiji sangi
ye'mwannamwaaidinyainyi. Sareinyi Gotiyare
yagaalya' wijiwakamarye'naji Jizaazarina

jalikurakene'naji Ahu'manna Paatimozì wo'nikeba kalavuzà nyimaaresainyi.

10 Yirika Naangeregaa' (Kiraazitiyarina yi'bwanawinadaanyagaa') Kuryai niminyina diraginna bulamwaaina nyiwa'. Sara nyadaa'nyi niminyi dusidaasi nimi maangwiraaya pirì' wi'nyina. Maangwiraaya sa'jaka diraginna dina pihuliyavire jake'bisà'.

11 Maangwiraaya daza' dara dina "Yuyangi tinna wangamaniginya, sa gimì' nayaa pikarya jitha! Pikariyikwiavi ya'gizì' anga ata puridaa'nyi pwaraala dangine Kiraazitiyare kusilaanyangiyaraavina jaasi! Yi Anga Epazaaziji Simenaaji Pehamaamiji Taayataairaji Saathiziji Pilathelipiyaji Layothiziyaji anga sangina dimarayaasi!"

12 Nimi "A'mwe yagaala nyidivanika sari wanganima!" dena ginyiwannyina. Mena ginyiwannyina yena yi laamivananya' yilakya'ne goliya ata puridaa'nyi pwaraala sa wa'di'nyiya tinna wanganna.

13 Yi a'mwe pwai laamivananya' yilakya'ne dazangi tinnyaba daa'di'nyi nimi tinna wanganna. Sai yi a'mweraavine kaimiraayaibisai. Sai baazi'manya saaminaange' yune sivila kedivi yalawakinanya' baazi'manakei, yi sai munnaanya goliya' gannya kihisavi pwiynakei.

14 Gannya minyaginyavi mijasa' yune nebulya'na yaake'nanya', sipizipiyavire arilya'bisà' yi wivitirata yaake'bisà'. Yi gamire tinnyai ditaalisa'bi' yidadaasi.

15 Yi gamire sivilyiraai wana nebulya'na di'baaka mwadadaasi, aringa kwaari'mata

biraaziya' dika naangevi yira'divitabaabisiiraai. Nabaai nimi kadika wi'nawe' gamire yagaaimaangwiraaya' aalijaka naange' yinnadevaabiti' kinniwa' wi'niwa.

16 Sai aangasiri' silingaaminya ata puridaa'nyi' pwaraalya limwagari'. Yi kwaari'masiraminya piri' gurimaanga yuyimaginyaai yinike' sa' gamire maangevidaasi' waraka mwasaba walyaabinike'. Nyilyai sirigwajahaa' nyila diraginna dadevaabiti' gamire sinnyi' baaka naange' wimwadiwa'.

17 Sahwari' nimi tinna wanganena lika yena gamire sivilyiraaryaba wala'na. Yi nimi wana a'mwe mena bainikeibisainyi. Sara kye sai nimi'nyi aangasi yilanyakaka dina "Gimi lika kuna minnera! Nimi aaya sinnawinya nebulya'nanyainyi. Yi nimi aaya dividaa'nya nebulya'nanyainyi.

18 Yi nimi gaala mwaalya'nebwi aaya kaavilyainyi. Yithaa! Kigaa' nimi mena baleinyi, kiriri', yithaa, yuyagaa' yuyagaa'ne gaala mwaaiheinyi. Nimi barya'ne kiya' limwaga'di Bainikeraavire Angebanne kiya' limwagake. Yi sareinyi diraginnakeinyi 'Aawa,' kada'muji a'mwe pwai mabalyi yadelyi. Pwai bainikei bainikeraavireba yagalya'ma'na yadelyi. Nimi 'Yo,' kada'muji pwai balina yadelyi.

19 Sarevida'nyi yi gimi pikarya nayaa jitha! Yagaala gimi tinna wangamwaanyangine' yi dahaa' warikenginesihahani dividaa'nyi yima'naabathennaji jithaka!

20 Yi gimi tinna wangamwaanya silingaaminya ata puridaa'nyi' pwaraala

daza nĩmĩre aangasĩrĩ wa'dĩsĩyannajĩ laamĩvananya' yĩlakya'ne goliya kĩnĩnnaka ata purĩdaa'nyĩ pwaraala dazannajĩ yĩ Gotĩyai yoimavajalĩkurakya dazanne aaya kaavĩlya' darsi. Silingaamĩnya ata purĩdaa'nyĩ pwaraala daza yĩ sa Kĩraazĩtiyainyĩre kusĩlaanyangĩyara anga ata purĩdaa'nyĩ pwaraalyangĩ mwaalyaraavĩre mamaayara. Yĩ laamĩvananya' yĩlakya'ne golinaka ata purĩdaa'nyĩ pwaraala daza Kĩraazĩtiyainyĩre kusĩlaanyangĩyara anga ata purĩdaa'nyĩ pwaraala sangĩ mwaalyare.”

2

Anga Epazaazĩna yagaalya' yĩda'nĩke'nesĩ.

¹ Kĩraazĩtiyainyĩre kusĩlaanyavĩya Anga Epazaazĩ mwaalyaraavĩne ejelĩyai mwaalĩkerĩne pĩkarya nayaa dara jĩtha'!

Silingaamĩnya ata purĩdaa'nyĩ pwaraalya gamĩre aangasĩrĩ limwaga'dei sahwai laamĩvananya' yĩlakya'ne golinaka ata purĩdaa'nyĩ pwaraalyangĩ tinnyaba kaanya yamaryade sahwai yagaala datha gĩthasivanaabi'.

² Gĩmĩ wawĩnya yadĩnya yuya sabwina mena gyawĩrangamanĩge. Yĩ gĩmĩre yagĩyagĩwawĩnyannajĩ taangegaa' gĩmĩ dĩragĩnna daaya'nebwĩnajĩ mena gyawĩ'manĩge. Yĩ gĩmĩ a'mwe kayaa'nanyaraavĩna “Aala!” nebulya'na dũwaa. A'mwe dazara gĩmĩnyĩ dara gĩthadĩvĩsare “Nemĩ Apozeliya Nedaasade kwainera.” Kĩrĩ' aawa! Sahwara Wĩdaasadera mĩ'. Yĩ kumĩre yagaalya' mena

yawibwarangamwaa. Yi kumi yadivita saburi kaavilya' mena birama'mwaa "Yi sahwar a'mwe yune kwaasiyare."

³ A'mwera tinna gwangadaapi, gim+ niminne yaya' kuna limwamanigi. Yi sahwar wana kayaa'na gyadaapi kiri' gim+ diraginna daa'di taanga daza' maa'dinyi. Yagi yagi wawinya daza'na maa'na ginnadeigi mi'.

⁴ Kiri' gim+nyina nimi yagaalya' kininnaka dareinyi. Sinnawi gim+ mud+'na diraginna limwagahinyagaa' yi dazagaa' nim+nyinaj+ nebulya'na gi+vu'nakeiginyi. Kiri' dahaa' aawa.

⁵ Sinnawi naw+'nya tewaanyabwi yaginyaiginyi. Kiri' gim+ daza' yagalya'mavaginagaa' yi gim+ mena wala'mwaawinyaiginyi. Sarevidaa'nyi ayahi sinnawi gim+ yaginya dazabwina nayaa jaw+! Yi gim+re simunyabwi mudikebwi nayaa jawiramaa! Yi gim+ aaya mud+'nanyagaa' yaginyabaib+ sabwi ji! Nabaai aawana, yi nabaai gim+ simunya mudikebwi ay+na yawiramaata mija', yi nabaai nim+ gim+nyaw+na bi'mava'muji yi gim+re laam+vananya' yilakya'ne' war+kebaada'nyi marasi'nidesi. Simunya mudikebwi myawiramaari nyidika!

⁶ Kiri' dasare dathavwi kuna gwari'. Gim+ Nikolaazare mididivisaraavire saburi yikamaanga wiadinyaiginyi. Nim+ kwainyiji sahwaravire saburi yikamaanga wima'nadeinyi.

⁷ A'mwei kadi'nakei, sai yagaalya' kadika nayaa wi'nana! Yi yagaala daza' Kurya

Tewaanyai Kiraazitiyainyire kusilaanyangiya anga geva gevanyaraavi wijiwaakivanikesi. Nabaai a'mwei mala daza' wavilavajai, sahwariti yinimi "Ya," widdelyi. Yi sahwai a'mweraavina gaala wijaaya'ne yita dazari tika munne maaradelyi. Yita dazai Gotiyare wawinyavi Parathaazi waayi'.

Anga Simenaa mwaalyaraavina yagaalya' yida'nike'nesi.

⁸ Kiraazitiyainyire kusilaanyaviya Anga Simenaa mwaalyaraavine ejeliyai mwaalikerine pikarya nayaa dara jitha'!

Sahwai aaya sinnawinya nebulya'nanyai nabaai aaya dividaa'nya nebulya'nanyai aayaangei kigaa' mena balakei kiri' gaalyai ayina yima'naabakei yi sarei yagaala datha githas+vanaabi'.

⁹ Taanginya gima'nivanikennaji nebulya'na gilyivita wana kuneigi mwaidaa'giyabulyi gyawirangamanige. Gilyivita kuneigi kiri' gim+ pin+ kwalaalya kininnakeiginyi. Nabaai yagaabiraizika daza'na a'mwe pwara sahwaragiminyi givanigasa'na gyawirangamanige. A'mwe dazara sahwaradina "Nemi sahwaina Juyaraavidaasaine." Kiri' sahwaranebulya'na Juyaraavidaasarana mi'. Aawa. Juya kwara kiri' sahwarayune Saataanimirevaasiyaraavina.

¹⁰ Divi maalikagea' gim+ daange dimaa'dengina lika minnera! Yithaa! Saataani sai Yuyaraavi Kotiya Maryadei jida'da'nyisarimij+ya pwaraavi kalavuzawimwaaih+pi'dere. Sariminyi yaamiji

yijwaala'ne' sara yihyipideihilyi. Yi yirika ata yuyiraalya yinigehaa' sarimi Kiraaзитiyareihiri taanginya yihizaavipideihilyi. Kiri' niminyina nayaa dilimwaga! Kuna kuna ywo'gizi yune gim' baidizagaa'na yi nabaai gaalya' yivarula nawi'nyai givwatavideinyi. (Kingimwaaih'nya' gwakideinyi.)

11 A'mwei kadinakei sai yagaalya' kadika nayaa wi'nana! Yi yagaala daza' Kurya Tewaanyai Kiraaзитiyainyire kusilaanyangiya anga geva gevanyaraavi wijiwaakivanikesi. A'mwei mala daza' wawilavajai sahwari yi ayahi barya sa' kayaaka yigalakadei mi'. Aawa nebulyasi.

Anga Pehamaami mwaalyaraavina yagaalya' yida'nikesi.

12 Kiraaзитiyainyire kusilaanyaviya Anga Pehamaami mwaalyaraavine ejeliyai mwaalikerine pikarya nayaa dara jitha'!

Kwaari'masiraminya piri' gurimaanga yuyimaginyaai yinike' kininnakei yagaala datha githasivanaabi'.

13 Angeba mwaaihinyaba anga dazaba Saataani kingiyai maremwaaalikebanna nimi yawirangamanige. Maremwaaalika kiri' gim' niminne yaya' diraginna limwaga'dinyaiginyi. Yadi gim' niminyina diraginna limwadi yi diraginna limwanga daza' lika yulyakadinyaigi mi'. Nabaai kigaa' a'mwe Adipaazai niminyina nayaa nebulya'na jalikurakadei sarimiji ye'mwannayihimwaalaka sahwari sariminyaba tamakesagaa'na niminyi kuna

dīraginna līm wagakinyaiḡi. Nīminyina
 “Aala!” majahinyaiḡi. Anga dazaba Saataani
 mwaaida gannya wawinya' yivanikeba kiri'
 sara yadinyaiḡi.

14 Kiri' nīmī gīminyina yagaala piri'
 piri' kininnakeinyi. Yi sarimijiya pwara
 kwaasiw'i'nawijiwaakya Belaamimirebwina
 līm waga'divisara kininnakeiginyi. Be-
 laamimirebwi yi daresti. Sinnawī kigaa' Ne
 Mozizaregaa' sai maremwaaide Belaakimi
 dara yibwaridaakwa'. A'mwe Yizireliyaraavi
 kwaasi yijiwaalyabwi dahe'bisabwi kya'
 a'mwe sara wagilyavi walaraawe'. Yi
 Belaakijiya Yizireliyaraavi yidikaave'. Yi sahinī
 kwaasigotiyaraavi yidika yesa tika nya'na
 sahwaravi yina yeva yaasiwa' pamarinyabwi
 ya'na yidikaavesare.

15 Sasarebaabi' gīmijiya pwara Niko-
 laazare wijiwaakya' līm waga'divisaraji
 kininnakeiginyi. Baa'nana!

16 Sarevidaa'nyi yi gīmijiya pwara
 “Simunyabwi mudikebwi nayaa jawiramaa!”
 Nabaai aawana, sara myijaiginyawinna yarai
 bi'mavideinyi. Yi nīmī a'mwe dazaraji
 kwaari'masiraminya nīmire maangevi nyarika
 dazasi mala barannaadeinyi. Kiri' gīmire
 tewaanyabwina gyawirangamanige.

17 A'mwei kadī'nakei sai yagaalya' kadika
 nayaa wi'nana! Yi yagaala daza' Kurya
 Tewaanyai Kiraazitiyainyire kusilaanyangiya
 anga geva gevanyaraavi wijiwaakivanikeḡi.
 A'mwei mala daza' wavilavajai, sahwari tika
 wapaa manaaya Sigunyabanya pini dahaa'

kima'nyawi lika yulyarike wijaavidelyi. Nabaai nimi sitihwawinya yaaka pimili' wijaavidelyi. Yi tihwawinya dazamiliki' yaya mudike' yida'nikemili' wijaavidelyi. Yi aawa, a'mwe pwai yaya daza' yawiranganadei mi'. A'mwe tihwawinyamili' maarajai yi yune sahwaina yawiranganadelyi.

Anga Taayataaira mwaalyaraavina yagaalya' yida'nike'nesi.

¹⁸ Kiraazitiyainyire kusilaanyaviya Anga Taayataaira mwaalyaraavine ejeliyai mwaalikerine pikarya nayaa dara jitha'!

Gotiyare Gawaalivaangei sai tinna ditaalisa' naanga yidamakida yidaderaai kininnakei sivi'lyi wana nebulya'na di'baaka mwadadaasi kwaari'mata biraaziya' di'ka naangevi yira'divitabaabisi kininnakei yagaala datha githas+vanaabi'.

¹⁹ Gimi yivaniginya yuya saburana, gimi a'mweraavina tewaanya givu'nivanikebulyi niminyina diraginna limwaga'maniginyabulyi yi a'mweraavi gaimwagya'ne widaayivaniginyabulyi yuya taanginya gima'nivanikengi diraginna daa'maniginyabulyi nayaa gyawirangamanige. Nabaai dala pibwinanya sabwi gimi aayagaa' gaai nyilimwagahinyagaa' yaginya sabwi sa' tewaanyasi. Yi dahaa' diviya sa' yi sinnawinyavi wavila'mwaka wana tewaanya naw'i'nyaangesi. Sare' gyawirangamanige.

²⁰ Kiri' giminyina nimi yagaalya' kininnaka dareinyi. Gimi a'mwe daza' Jezeveliya'

gimiji ye'mwannemwaaidevi yaasiwa'na baihana'na yadinyasi. A'mwe daza' kwaasi dara dadesi "Nimi piropetiya'nyi. Gotiyari wi'nadi a'mweraavi wijiwaakadinya'nyi." Sara dada nimore yaasiwa'wawinyaraavi kwaasi wijiwaakina. Yi sahwara yaasiwa' pinamarya sabwi midinya'naji yi miwita kwaasigotiyaraavine yidika yadivisa tika nya'naji kwaasi wijiwaakina. Sasare dazaburi sa' wana kwaasiya' nimore pwara sara yadivisasi.

21 "A'mwe sa' simunya mudikebwi yawiramaarana!" yawirena pigaa'nevi yaamiji yena yemwaaimanige. Kiril' aawa. Sa' simunya mudikebwi yawiramaasa'na "Aala!" divani'. Gannya yaasiwa' girikita'nanya yade sangina bule' wijaaya'na "Aala!" dina.

22 Yithaa! Nimi nalabwaryavi a'mwe dazavina daangesi nalaaya naangesi wijaavidesi. Yi a'mwe dazara sahirisi girikita'nanyabwi yadivisara sahwara simunya mudikebwi yawiramaata myapiji gami yade sabwina bule'na mujaayi yipija' yi nimi daanga naangeji taanginyaji wijaavidere.

23 Gamire kaimiraaya kwaraaviji yi nimi yuna tamakidere. Sarevi yi Kirazitiyainyire kusilaanyangiya yuyavaka nayaa yawipi'de'nanyi. Yi nimi a'mwe yuyaraavire munyikaaviji simunyangiji nayaa maryawibwa'dinyainyi. Yi nimi sariminyi gazaigzaiginyi yiniga wi'na yadivita sabwine' yihirivikirideinyi.

24 Kiril' sarimi pwaihiri yithithivanige.

Sariminyi kwaihi Taayataaira mwaalya pwaihi a'mwe savire yagaala daza' mididivitaihi mi'. Yi sarimi sasare dazabwi dara dadivisaburi "Yagaala yune kusawi nebulya'na Saataanimire sabwi," yawiramaa'divitaihi mi'. Yi sareihiri dara yithivanige. Yi nimi naanga piri' yihwakideinyi mi'.

²⁵ Aawaawa. Sarimi limwaga'divita sabwi yi kibwi nayaa diraginna dilimwagyila! Kuna yiwopiji yune nimi bi'mava'mujiyagaa'na diraginna dilimwagarila!

²⁶ A'mwei mala daza' wavilavajai, a'mwe nimire wawinya m+dinoji yune gamire aya yiwuya yajahaa'nei yi sahwarina nimi diraginaange' wijaavidelyi. Diragina sa' daresi. Sai minyaginyai ajimya yuyangiyaraavi maremwaaladevurinera.

²⁷ "Sai yita kwaari'mayaginyari' limwagozi

A'mwe saraavi diraginna maremwaaladelyi.

Maa'gula kwadike mala tadaapi

Pwaki'da yaaye liliya wa'devaabisasi."

Niminyina Nimwai diragina' maremwaalya'ne' nyijaavakabaabi' diragina sa' wijaavidelyi.

²⁸ Yi nabaai nimi silingaaminyi mwananyagaa'ne kaabwe' wijaavideinyi.

²⁹ A'mwei kadinakei sai yagaalya' kadika nayaa w'nana! Yi yagaala daza' Kurya Tewaanyai Kiraazitiyainyire kusilaanyangiya anga geva gevanyaraavi wijiwaakivanikesi.

3

Anga Saathizi mwaalyaraavina yagaalya' yida'nike'nesi.

¹ Kiraazitiyainyire kusilaanyaviya Anga Saathizi mwaalyaraavine ejeliyai mwaalikerine pikarya nayaa dara jitha'!

Sahwai ata puridaa'nyi pwaraala Kurya Gotiyareraji silingaaminya ata puridaa'nyi pwaraala dazaji kininnakei yagaala datha gimaryasivanaab'!. Gimi yivaniginya yuya saburana mena gyawi'manige. A'mwera giminyine yaya' dara dadivisare "Kiraazitiyarera angeba mwaalya dazara gaalya' kininnakera mwaaha'." Kiri' aawa. Mena Gotiyarina bainikeiginyi.

² Naangevaa'gi se warya' yagalya'mava'gizi tinna nayaa baihanarya'neigi dithikaaka! Gimire yuya sabwi kuna maal'na warike yuna nabaladika! Yuya sabwi baimanikebwi nayaa diraginya jivaimwa! Sare' dare'nanyi. Gimi yadinya yuya sabwi pirivi sa' yuya yida'nanya' nimire Gotiyare tinnyari nimi tinna mwanganab+rivanige.

³ Sarev'idaa'nyi yagaala tewaanya dazavi kadika mena w'naginyagaa' gimi limwagasabwi maaraginyabaaibisa' ginnya simunyavi nayaa ayina jawi'!. Daza'na ya'gizi sabwi nayaa m'd+d' simunya mudikebwi jawiramaa'! Sav'idaa'nyi se' myagalya'mayija' tinna nayaa baihanarya'neigi madikaayi yija' a'mwe kukei bi'ma'devaabi' nimi giminyawinna bi'mavideinyi. Nabaai

giminyawinna bi'ma'mujahaa'na gimĩ
jawĩ'deigi mi'. Arikewĩnyĩ.

⁴ Kirĩ' maalikevaa'gi yaya pinĩjiyara Saathizi
mwaaihata pwai pwai kininnakeigĩnyĩ.
Sahwara kumĩre baazi'ma'nya girĩka
yĩgalakadivisara mi'. Kumĩ dazara yĩ nĩmĩre
baazi'ma'nya yaake' baazi'ma'napi yĩ nĩmĩji
ye'mwannayamaryaadere. Sahwara sahirĩvi
yĩnĩga wi'nannere.

⁵ Nabaai a'mwei mala daza' sara wawilavajai
sahwari nĩmĩ avaaainanya baazi'ma'nya
yaaka dathavaaibisa' wakidelyĩ. Yĩ nabaai
nĩmĩ bukuya gaala'ne sirĩ gamĩne yaya'
yĩwaipĩwagĩdeinyĩ mi'. Arikewĩ. Yĩ nabaai
Nĩmaamaangeryaba gamĩre ejeliyaraayabaji
nĩmĩ a'mwe dazarĩne yaya' jalĩkurakĩdeinyĩ.
“Nĩmĩrelyĩ,” widĩdelyĩ.

⁶ A'mwei kadĩ'nakei sai yagaalya' kadĩka
nayaa wi'nana! Yĩ yagaala daza' Kurya
Tewaanyai Kiraaзитiyainyĩre kusĩlaanyangiyā
anga geva gevanyaraavi wijiwaakĩvanĩkesĩ.

*Anga Pilathelĩpiya mwaalyaraavĩna yagaalya'
yĩda'nĩke'nesĩ.*

⁷ Kiraaзитiyainyĩre kusĩlaanyaviyā Anga
Pilathelĩpiya mwaalyaraavĩne ejeliyai
mwaalĩkerĩne pikarya nayaa dara jĩtha'!

Sai nawĩ'nya nebulya'nanyai, yĩ neb-
ulya'nanya sabwina aaya kaavĩlyalyĩ. Sahwai
Kingiyā Devitĩmĩne kiya' kininnakei kaadihĩta
naange' baasadelyĩ. Basadaa'nyĩ gamĩre
wawĩnya' naanna jĩthe'nanyĩ. Yĩ a'mwe aane
pwai kwai kaanya sa' ayahi tihĩradei mi'.

Yi kaanya' tih'i'delyi. Yi a'mwe aane pwai kwai ayahi baasadei mi'. Sarei yagaala datha gimaryasiwanaabi'.

8 Gimi wawinya yadinya yuya sabwina nimi mena gyawi'manige. Yithaa, gimire sinnyiki kaadihisa' basinadaavike' wakiwesi. Yi a'mwe kaanya tihiradei aane pwai kwai mi'. Nimi dara yawi'manige. Gimi diraginya maalike' kininnakeigi kiri' nimore yagaalya' mididi yi nimine yaya' lika yulyakadinyaigi mi'. "Sahwareinyira," widadinyaiginyi.

9 Yithaa, nimi Saataanimire a'mwe yita dathavaa' giminyina gimwangideiginyi. Sahwara dara dadivisare "Nemi Juyaraavidaasi yisavaa'nyi." Kiri' sahwara Gotiyarera mi'. Aawa. A'mwe kwaasi dadivisare. Yithaa! Yi nimi a'mwe dazara gimire sivilyiraaryawi kwaakewi bulawila'napide'na yideiginyi. Yi sahwara yawipi'de'na "Gotiyai sahwaravina tewaanya nebulya'na mena wivu'nivan'!"

10 Nimi diraginna daavebaaibi' nimore yagaalya' nyimididi yuya taanginya gima'nade sangi gimi diraginna daadinyaiginyi. Yi sare'na yijwaala daza' "Kwaaka yuyawi yima'nima!" dozi yajahaa' a'mwe yuyara Kwaaka yuyawinyaraavi yijwaalya'negaa' sa' yi giminyi nagima'nadi!! Yi yadevi nayaa gimaremwaalideinyi.

11 Yi giminyawinna yime'nyabi' walaabideinyi. Yi aane pwai kwai kingimwaaihi'nya' gimire tivikisa' nagimarasi'nadi!! Gimi dazabwi limwaga'maniginya sa kuna nayaa diraginna

dilimwaga!

¹² Nabaai a'mwei mala daza' sara wavilavajai, yi sari dihi'bya anga nawi'nya nimire Gotiyarevi diraginya yiwagya'neri nimi maridaakudelyi. Yi nabaai sai anga nawi'nya savi myagalya'mayi yoji ayahi mwasilaanna walyawodei mi'. Arikewinyi. Yi sari nimi nimire Gotiyarine yaya' yidavidelyi. Yi nimire Gotiyare anga naangebanne yaya' yidavidelyi. Anga naanga daza' yi Jeruzaalem mudikesi. Sa' yi nimire Gotiyaryabadaasi walaabathesi. Yi Sigunyavi yagalya'mavoji walaabathesi. Yi niminne yaya mudike' sa' kirisi yi sari pikarya yidavidelyi.

¹³ A'mwei kadi'nakei yagaalya' kadika nayaa wi'nana! Yi yagaala daza' Kurya Tewaanyai Kiraaзитiyainyire kusilaanyangiya anga geva gevanyaraavi wijjwaakivanikesi.

Anga Layothiziya mwaalyaraavina yagaalya' yida'nike'nesi.

¹⁴ Kiraaзитiyainyire kusilaanyaviya Anga Layothiziya mwaalyaraavine ejeliyai mwaalikerine pikarya nayaa dara jitha'!

Sahwai Nebula Naangei, nebulya'ne aaya kaavilyai, Gotiyare yawita yuya nayaa limwada nebulya'na yida'na jalikurakadelyi. Yuya Gotiyai wakyaakengina aaya kaavilyalyi. Sarei yagaala datha gimaryasivanaabi'.

¹⁵ Gimi yivaniginya yuya sabwina nimi mena gyawimanige. Gimi yirila majivanigi. Yi niminyna "Aala!" majivaniginyaiginyi. Nabaai gimi dika magimani'. Yi niminyna diraginna myivaniginyaiginyi. We! Dara githivanige.

Gimĩ dĩ'nakeigĩ mwaaidĩzĩ kwajĩ wikĩra. Gimĩ yĩrijaigĩ mwaaidĩzĩ kwajĩ wikĩra.

16 Kirĩ' aawa. Gimĩ dĩ'naka maali'na gi-manĩkeigĩnyĩ. Gimĩ dĩ'naka nebulya'na maginyĩvanĩ'. Yĩ gimĩ yĩrija nebulya'na maginyĩvanĩ'. Sarevĩdaa'nyĩ aalya dĩ'mudĩnya maalikĩ kinĩnnake'bi' sareigĩnyĩne'na nĩmĩre maangevĩdaa'nyĩ wĩrya gĩmudakĩdeigĩnyĩ.

17 Sare' dare'nanyĩ. Gimĩ dara dadĩnyaigĩnyĩ “Nĩmĩ kwalaalya kinĩnnakeinyĩ. Yĩ nĩmĩre gĩlyĩvĩta kwalaalya warĩ'. Pĩnĩnna manyĩgainyĩvanĩ'.” Kirĩ' gĩmĩnyĩna aawa. Gimĩ wana kayaa'na mwaaihĩ. Yĩnĩga wi'na gĩmĩnyĩna kale nyadeigĩnyĩ. Gimĩ wana gĩlyĩvĩ'maaya yĩnahune nebulya'nanyaigĩ mwaaihĩ. Yĩ gimĩ tinna tĩbĩnyaigĩnyĩ. Yĩ gimĩ kĩlaakejĩ'nanyaigĩ mwaaihĩ. Yĩ nabaai gimĩ saigĩ dazavĩ myawĩranganyĩvanĩgĩ.

18 Sarevĩdaa'nyĩ nĩmĩ sĩmunya datha' gĩzaawa. Nĩmĩre goliya', sa' nawĩ'nya tĩrĩmaaya yĩma'nyavĩna dĩke' nake' dĩragĩnyasi. Yĩ gimĩ goliya daza' dĩmubĩ! “Gotiyarĩne kwalaalya kinĩnnakeinyĩ yĩma'nĩma!” da'gĩzĩ sara dĩmubĩ! Yĩ gimĩre kĩlaakejĩkĩ baazĩ'ma'nya'ne' nĩmĩre baazĩ'ma'nya yaake' dĩmubĩ! “Yĩ baazĩ'ma'nya yaaka sa' yewaa'bwa'nĩma! Yĩ nabaai kĩlaakejĩ'nanyainyĩ kuna mamwaalyĩ yadi wagĩla nanyĩvwa'nadĩka! A'mwera a'mwemĩlĩka tinna nanyangabĩthĩka! Yĩda'maraanga sabwi baazĩ'ma'nĩma!” da'gĩzĩ sara dĩmubĩ! Yĩ gimĩ nĩmĩre mĩnarĩwelivananya' gĩmĩre tĩnnyaraarĩ pu'nya'ne' dĩmubĩ! “Yĩ sareinyĩ tinna yĩnĩga

wi'na wanganima!" da'gizi sara dimubi!

19 Nabaai nimi a'mwe nyivu'nadaasiya yuya saraavi maanga widadi sahwaravi kumire yadivisabwi yavada'gaidinyainyi. Sarevidaa'nyi yi gimire sabwina simunya mudikebwi jawiramaa!! Nabaai simunya nawinya' dike'bi' kuna jawiribaina!

20 Yithaa! Nimi kaadihisavi daake. Yi nimi mala tamida'nivanaabihe. Nabaai a'mwe pwai nimire maangiki nyu'noji yi kaanya sa' nyibasamaraabazai yi nabaai gaminyi kusawi wila'muji salyi wilye'mwannamwaalidelyi. Salyi tika ye'mwannanidelyi. Yi sai nimiji tika ye'mwannanadelyi.

21 Nabaai a'mwei mala daza' wavilavajai, sahwarini nimi "Ya," wididelyi. Sai namwaalyita kingiyavi nawinyaba nimiji nye'mwannamwaalade'na wididelyi. Sinnawini nimi kwainyi malya' wavilavebaaibi', yi nimi Nimwalyi gamire namwaalyita kingiyavi ye'mwannemwaalebaaibi' nye'mwannamwaaladelyi.

22 A'mwei kadina'kei, sai yagaalya' kadika nayaa winana! Yi yagaala daza' Kurya Tewaanyai Kiraazitiyainyire kusilaanyangiya anga geva gevanyaraavi wijiwaakivanikesi.

4

Gotiya Sigunyaviyarina yilaaya ya'nerinesi.

1 Sa' mena kya' sagaa', yithaanyi, Sigunyavi kaadihita piril' basinadaata yadisi nimitinna wangamwe'. Yi maangwiraaya daza' sinnawini nimiti kadika winene sa' pihuliyabi'

jaka di'wa'. Dahaa' sa' dara nyidi'vani' "Munya davanna jilaama! Giminyi' yuya di'vidaa'nyi' yi'ma'nadenna givwaridaakudeinyi'."

² Yi' yi'me'nya'bi' niminyi' Kurya Tewaanyai diraginna bulamwaaina nyi'wa'. Yi'thaanyi, Sigunyavi' saba kinginamwaalyita piri' daa'di'nyiya' tinna wanganna. Nabaai pwai yuyaraavi' maremwaalya'nei namwaalyita dazavi' yilamwaaidi'nyi' wanganna.

³ Sahwai sila nawi'nyai baake' yidada sila nawi'nya wayaakei baaka yidadaa'nyiyabaaibisalyi'. Kinginamwaalyisavi' byaawila piri' yagi'ma'nikeri' sila nawi'nya yijuzai baaka yidadei tinna wanganna yiwelyi'.

⁴ Kinginamwaalyita dazayaba kinginamwaalyita pini' yagi'ma'nata yadi'nyi' wanganna. Namwaalyita tiwedipoya sangi' a'mwe naanga tiwedipoyara mwaalina. Sahwara baazi'ma'nya yaake baazi'ma'nevera. Yi' kingimwaaihi'nya goliya kumire minyaginyangi kininnakera.

⁵ Yi' kinginamwaalyisavidaa'nyi' yinamiraasavire di'baake mwasabi' livapina yaka purinya yinnyina, yi' pa'da yinnyina, yi' yi'munya pilina. Nabaai kinginamwaalyita dazavi' sinnyiki' di'baaka ata puridaa'nyi' pwaraalya dika yida'nyina. Di'baaka daza sa Gotiyare Kurya ata puridaa'nyi' pwaraalyarera.

⁶ Yi' kinginamwaalyisavire kusimagi' naanga saalaalya'bisasi' wari'. Daza' yi' sinimwavanakurika naangebisi', yi' wana giri'maaya nebulya'nanya' sigujaaka sirimya'bisasi'.

Yi tɪnnyaba namwaalyɪsavɪ daraai daraala gaala kinɪnnakera daavɪna. Yi sahvara kingɪnamwaalyɪta dazavɪ dakwagɪ'maveva yɪ daavɪna. Daraai daraala dazara gaala mwaaleva kumire tɪnna kwalaalya kinɪnnakeraavɪ kusɪmagɪnyavɪjɪ dusɪmagɪnyavɪjɪ yunewɪnna bwakuke.

⁷ Gaala kinɪnnaka aaya mudɪ'nanyai yɪ sai laayonɪyaibɪsai. Yi sahwarɪ ayawɪdaasɪ gaala kinɪnnakei yɪ sai bulɪmakaawoya kwalyaibɪsai. Yi sahwarɪ ayawɪdaasɪ gaala kinɪnnakei sai a'mwere sɪnnya'bɪsa' kinɪnnakei. Yi sahwarɪ ayawɪdaasɪ gaala kinɪnnakei yɪ sai bwaangya pwai pɪlavamaryadaa'nyɪyaibɪsai.

⁸ Daraai daraala gaala kinɪnnaka dazarajɪya gazaizai pɪya ata purɪdaa'nyɪ pwainanya kinɪnnakelyɪ. Yi tɪnna kwalaalya yunewɪnna mwasɪmagɪjɪ kuta kimagɪjɪ bwamwaihukera. Yi yrɪkevɪjɪ sawɪsavɪjɪ sahvara daata dara dadɪvɪsare:

“Naangei, Gotɪya Diragɪnya Yuya Kinɪnnakei Gɪrɪ'maayalyɪ. Gɪrɪ'maayalyɪ. Gɪrɪ'maayalyɪ. Tewaanyalyɪ. Tewaanyalyɪ. Tewaanyalyɪ.

Gamɪnyɪ jaanna marinawaadelyɪ.

‘Gɪmɪ gaveigɪnyɪ. Nemɪbɪtaigɪ mɪ!’

Sɪnnawɪ kɪgaa' sai mwalyaakelyɪ.

Yɪ dahaa' sai mwaalɪ’.

Yɪ nabaai sai yɪma'naabathelyɪ.”

Sahvara yagaala daza' ja'na kwadɪka mudɪvɪtara mɪ’.

⁹ Gaala kinɪnnaka dazara yɪlaaya yadɪvɪsare. Gotɪyare kingɪnamwaalyɪsavɪ mwaaida yɪ yuyagaa' yuyagaa' gaala mwaaideri yɪlaaya

yadivisare. Yi sahwara sahwari byaanna diraginya' wiadivi' sahwari ne yaya' munyaba makidivi' yi "Su! Su!" widipi'dere. Yi yuyagaa' gaala kininnaka dazara sara kyapiji

¹⁰ yi a'mwe naanga (24) tiwedipoyara dazara Gotiyaryaba kinginamwaalyisavi mwaalikere sinnyiki kwaakewi walamwaaibi'dere. Yi sahwai yuyagaa' yuyagaa' gaala mwaaideri na sahwara lotuya yadivisare. Sahwara yawi'na "Nemire maremwaalya'nebwi gamiresira," kumire kingimwaaibi'nya goliya livaradivi' kinginamwaalyisavire gidikusaba wala'dengi. Sara yapiji yi daata dara dipi'dere:

¹¹ "Nemire Naangeigi, nemire Gotiyaigi!
A'mwe yuyara giminyina yilaaya gya'neigi
Gimi saigi yiniga wi'na nebulya'nanyaiginyi.
Yi byaanna diraginyabwi gizaaya'na nawi'nyasi.
Yi giminne yaya' munyaba makilya'naji
Yi gimi diraginyabwi limwaga'dinne'naji
nawi'nyasi.

Sa' darevinyi. Gimi yuya wakyeiginyi.

Yune gimire simunyaburina kwakye
yima'nyaakeigi.

Gimire simunyavidaa'nyi yuya daza warikengi.
Mwaaahasangi."

5

*Jon'i bukuya pir'i' mena pigi'mwagakesavi
tinna wanganake'nesi.*

¹ Yi kinginamwaalyisavi mwaaidi'nyiyare aangasiri nimi bukuya pwi tinna wanganama. Si pikarya kininnake' kusawiji mwasimagiji. Yi

muritavayi'bwana'nika ata puridaa'nyi pwaraalya kininnaki. Yi yaasiwananyai marilaaya'na sara muritavayi'bwankilyi.

² Nimi ejeliya diraginnaka pwarit tinna wangamwa. Sai gannya maangwiraayav+ jaka naangave'na dara diwa' "A'mwe tewaanyai bukuya diri yiniga wi'na tilaaya'nebwi kininnakei aihwalaka? Tewaanyai diraginnakei bukuya diri pwiynika diri yesivalasisa' ya'na aihwalaka?"

³ Kiri' sasarei aane pwai kwai mi'. Sigunyav+ mwaalikei aane pwai kwai mi'. Kwaakevak+ mwaalikei aane pwai kwai mi'. Kwaakev+ amwihi wilarikei aane pwai kwai mi'. Yiniga wi'na tilaayoji bukuya siri kusaw+ ja'na tinna wanganannei aane pwai kwai mi'. Arikewi.

⁴ Sarajiya a'mwe pwarit mabiramaari. Bukuya si tilaayoji kusaw+ tinna wanganannei tewaanyari mabiramariwaasa'na yi nimi kinna kwalaalya diwa.

⁵ Kinna dadaazi a'mwe naangerajiya pwai nyidiwa' "Gimi kinna kuna madinnera! Yithaa! Laayonyai Juthare yita savaakiyai Ne Devitimire yita savaakidaasai, yisare pwipulyav+ kwaraka yidevaai' sara yima'nakei sai malya' wavilavakelyi. Sarevi yi sai bukuya si tilaaya'nei muritavayi'bwata ata puridaa'nyi saraala marapyasibwarakya'na yiniga wi'na yannelyi."

⁶ Sara kanyidiwa' nimi Sipizipiya Diwinyari tinna wangamwa. Sahwai kinginamwaaly+sav+ gaala kininnaka daraai daraala dazaraayabaji a'mwe naanga dazaraayabaji tinnyaba daavina.

Saba sai mena tamakesai ayina dika'a'nikabaai daa'di'nyi wangamwa. Gamire m'nyaginyavi a'ba saanya diraginnaka ata puridaa'nyi pwaraalya kininnakei. Nabaai tinna ata puridaa'nyi pwaraalyara kininnakei. Yi tinna dazara yi Gotiyare Kurya ata puridaa'nyi pwaraalyarera. Gotiyai kwaaka yuyawi yunewinna maryaasakere. Sipizipiya sasareri tinna wangamwa.

⁷ Sipizipiya Diwinya dazai wawaka kinginamwaalyisavi mwaalikere aangasiri bukuya daza' ma'mwaawi'.

⁸ Bukuya mi'na kama'mwaawi' sagaa' gaala kininnaka daraai daraala dazaraji a'mwe naanga tiwedipoya dazaraji Sipizipiya Diwinyaryaba gidikusaba kwaakewi wala'na. Sahwarajiya gazaizai piradazabisasi diziya goliya prisi kininnakelyi. Yi diziya dazangi jitrinya yiravayihwia'ne' yunebanna wilarikengi. Wabatrinya daza' Gotiyare a'mwe tewaanyara Gotiyari widadivisangira.

⁹ Yi sahvara daata mudika piri' dara diwaa':
 “Bukuya daza' gim'i maarya'neigi
 Savire muritavayi'bwasa mara-
 pyasibwarakya'neigi
 Yi yiniga wi'na nebulya'nanyaiginyi.
 Sare' dare'nanyi. A'mwera giramesaiginyi.
 Sasareigire tawevi a'mweraavi mubahi.
 Sahwara Gotiyarina wijaaya'neraavi gim'i.
 Yita gazavaasavaakiyaraaviji yagaala ge
 gejiyaraaviji
 A'mwe kilaaka dala nabinabinyajiyaraaviji

Aj+mya yuyangiya gazasav+yaraaviji
mubamaaragi.

10 Nemire Gotiyarina maremwaaidisaraavi
wimwaaihad+

Widaaya'nera Gotiyarina yira'divisaraavi
wimwaaihagi.

Sahwara Kwaaka yuyavakiyaraavi
maremwaaiB+'derera.”

11 Nabaai n+mi wangadi ejeliya kwalaal-
yaraavire maangwiraaya' kadika wi'n+wa.
Sahwara king+namwaaly+saviji gaala
k+n+nnakeraayabaji a'mwe naangeraayabaji
g+h+paledaa'na. Sahwara kwalaalya kwalaalyara
mwaaiha'. Yi miliyon+ miliyoniyaraji taaw+zan+
taaw+zan+yaraji kwalaalya naanga naangera
mwaaihasare.

12 Sahwara jaka d+rag+inna dara diwaa':
“Sip+zipiya Diw+nya dazari tamakesalyi.
Sai naw+'nya maarya'nei y+n+iga wi'nanyalyi.
Yi dazangi y+laaya maarannei y+da'nanyalyi.
D+rag+inna maremwaalya'nebulyi
gily+v+k+rav+nakebulyi
Sidu'nakebulyi d+rag+nya naangebulyi
gam+rengi.

Gam+inne yaya' munyaba mak+lya'naji
Byaanna d+rag+nya' y+laaya' wijaaya'naji
'Su! Su!' wija'naji tewaanya'nelyi.
Yi sahwai gawei y+n+iga nebulya'nanyalyi.”

13 Yi n+mi Gotiyai yuya wakyaaka kwaraavi
kadika wi'n+we'. Yi Si+gunyavi mwaaihasaraaviji
yi Kwaakevaki mwaaihasaraaviji yi kwaakev+
amwihi wilakasaraaviji yi saalaalyavi
wilamwaaihasaraaviji, yo, yuya sabanyaavi

wilamwaaihata kwaraavi wi'n'iwe'. Sahwara dara diwaa':

“Kinginamwaalyita sav'i mwaalikelyi

Sipizipiya Diwinyai kwalyi

Saraai nawinya yuyabwi maarika!

Yi su suyaji yaya makilyabulyi

Byaanna diraginyabulyi diraginnakebulyi

Saraari nawinya dazabwi kuna warana!

Yuyagaa' yuyagaa' kuna waribainana!”

¹⁴ Sara kadiwaa' gaala kininnaka daraai daraala dazara yi dara diwaa' “Yi sahirisi. Nebula naangesi.” Yi a'mwe naangera kwaakewi walaruta'neva yi lotuya yivaniga'. Yilaaya wivaniga'.

6

*Sipizipiya Diwinyai bukuyavire
muritavayi'bwarake marapyasibwarakake'nesi.*

¹ Sipizipiya Diwinyai bukuyavire
muritavayi'bwaraka ata puridaa'nyi
pwaraalyangi aaya mudinanya' mara-
pyasibwarakina yadaa'nyi yi nimi tinna
wangamwa. Sipizipiya Diwinyai mara-
pyasibwarakina ky'wa' gaala kininnaka
daraai daraalyaraav'idaa'nyi pwai yi sigunyavi
yi'munya pidevaabi' gamire maangwiraaya'
jaka naanga dina “Kaaja!”

² Yi nimi tinna ayahi wanganna. Yithaanyi,
oziya yaaka pvari tinna wangamwa. Yi a'mwei
yilamwaaid'nyi mwaryaginyisi limwamwakei.
Sahwarina kingimwaaihi'nya piri' wijawaasa'
malyavi wavilaya'ne'. Yi sai mala kwalaalya

wavilaya'nei wawoka “Mala'na wavilavima!” daka wina yiwa'.

³ Diwinyai wila ata puridaa'nyi pwaraalya ayawidaasi bukuyavi pwiynike' pyaasibwa'na kyiwa' nimi kadika wi'nyina. Yi gaala kininnaka ayawidaasai dina “Kaaja!”

⁴ Yi oziya pwai yi'mavaabina. Sai wayaakei. A'mwei oziya dazari yilamwaidi'nyiyarina diraginyabwi wijawaasai. Sahwai diraginya sabwi maaraka tewaanyagaa' yi naryagaa' yiniga marasi'nya'nelyi. “A'mwe Kwaakevakiyara tamakinipika!” daka sara yiwa'. Sarevi yi sarina kwaari'masiraminya naanga pir'i' wijawaasa' wawinya dazahiri' ya'ne'.

⁵ Diwinyai wila ayawidaasa' bukuyavi pwiynike' pyaasibwa'na kyiwa' yi nimi kadika wi'nyina. Gaala kininnaka ayawidaasai dina “Kaaja!” Yithaanyi, nimi oziya dikwaagila pwari tinna wanganna. Yi a'mwe yilamwaalakei gamire asiri sikeliya pir'i' tika nya'ne maraya'ne' limwamwa'.

⁶ Yi gaala kininnaka daraai daraalyara mwaaihata saraavi tinnyaba maangwiraaya'bi' nimi kadika wi'nyina. Yi maangwiraaya daza' dara dina “Mijikegaakira. Maalitaaya witmaa'gula pwari nigwia yune paavi kinaayavine'na (yirika gavevi wawinya ya'ne nigwia') gim'i sikeliya dimarayi! Yi maa'gula maalika daraai dalyangi baaliya (wityabi') nigwia yune paavi kinaayavine'na sikeliya dimarayi! Aawapaaya wigainajahaa' kiri' welivananya yidike'nesi waainiyasi kayaaka migalakinna!”

7 Yi Diwinyai wila bukuyavi pwiyinike' dawaai dawaalya' pyaasibwa'na kyiwa' yi nimi kadika winyina. Yi gaala kininnaka daraai daraalyai aayai sare maangwiraaya' dina “Kaaja!”

8 Sara kyiwa' nimi ayahi tinna wanganna. Yithanyi, oziya nabalikilaa'naka pwar' wanganna. Yi, sari yilamwaaliker' gaminne yaya' “Baryabulyyala.” Yi sahwari Bainikeraayabanya' mijamarid'nyiyasi. A'mwe yuyavakaavi Gotiyai marajaapaina yaka dina “Diraginya dare' yihzaawa. Yuyawi a'mwe daraai dalyaraavi tamyivainyina yakiri a'mwe gave pwar' diramakyi! Gazawizawi a'mwe daraai dalyaraavi tamyivainyina, gave pwar' tamakina. Sana sana jidewaaihilyi. Yi sare'ne diraginya' kihizaava'muji yi pwaraavi kwaari'masiraminyasi tamakina, yi pwaraavi mijika naangesi tamakina, yi pwaraavi nalaaya nabinabinyaji tamakina, yi pwaraavi laayonyaraji sigyaaryaraji dawakina jidewaaihilyi.”

9 Yi Diwinyai atilya' wila bukuyavi pwiyinike' pyaasibwa'na kyiwa' yi nimi tinna wanganna. A'mwe bainika pwaraavire kuryara Gotiyare kwaraanyaba kwaakewi mwaaidapiyaraavi wanganna. Sinnawi a'mwe dazara Gotiyare yagaalya' diraginna limwagaresare. Yi sara yadivi' yagaala daza' jalikurakesare. Sare'na sahwaraavi Gotiyare yikamaangera tamakina yesare.

10 Kurya dazara maangwiraaya jaka diraginna dara diwaa' “Kingiya Naangeigi yuyangineigi

gimĩ nawĩ'nya mwaaihi. Girĩka maayaigi. Yĩ gimĩre sabwi yĩ nebulya'na yunewinnanyasi. Sareigi, mena gatha'daregaa' kyĩwawojĩ gimĩ kotiya' a'mwe Kwaakevakĩ mwaaihasaraavi jĩtheigĩna'? Yĩ sahwaravĩ nemĩre tawenna gathĩngaa' dĩrĩvĩkĩ'deigĩna'?"

11 Sara dĩna kyĩwaa' Gotiyai gazarĩnazarĩna baazĩ'ma'nya yaake' saamĩnya' wĩjaavĩna. Yĩ wĩjaavĩna yaka sahwaravĩ wĩdĩna "Sarĩmĩ maalikėgaa' kave kwaamu' dĩmwaalyi! Dĩvi yĩkamaangera sarĩmĩre avaaĩyaasiwa'wawĩnyaraavi, sĩrya'mweraavi tamakĩpĩ'dere. Yĩ yĩhĩramaketabaaibi' tamakĩpĩ'dehaa'nanyĩ. Yĩ nĩmĩ yawĩ'na yage yunegaa'nera yĩnĩga sara baibi'dehaa' yĩ nabaai sarĩmĩre tawejĩ'na tĩvĩkĩrĩdeinyĩ."

12 Dĩwĩnyai wĩla ata purĩdaa'nyĩ dalya' bukuyavi pwĩyĩnĩke' pyasĩbwa'daa'nyĩ nĩmĩ tĩnna ayahi wanganna. Kwaakevakĩ wĩnĩnya naange' kyĩma'nĩwa' tĩnna wanganna. Yĩ nyĩlyai tĩnga naange' yĩma'nyĩna. Sai yĩrĩka mavuri. Yĩ lawei yuya wayaaka tawe'bisa' yĩma'nyĩna.

13 Sĩgunyavĩya sĩlingaamĩnya sa kwaakebanna bwala'na. Yĩsĩla yĩta pihĩyare mya milyadĩ'nyĩ yĩhuta naange' purakĩ'daa'nyĩ bwala'daawadevaabi' kwaakebanna bwala'na.

14 Sĩgunya kĩrĩsĩ sa' mena wĩna. Yĩ lamulyi' pwalagĩ'mwadĩvĩ' wakadĩvĩtabaaibi' sĩgunya' gĩ'mwannĩwake' yĩmaanyĩna. Yĩ yuya mugunyajĩ ahu'mannyajĩ kumĩre wa'dĩvĩsaba yagalya'ma'na, yĩ sangina gĩnyĩmwaaina yĩwaa'.

15 Yĩ kingĩya Kwaakevakĩyarajĩ yĩ maremwaaidĩvĩsarajĩ yĩ mala aawĩlasaraavi

maremwaala naangeraji yi a'mwe nigwih+rav+nakeraji yi a'mwe diraginangeraji yi yaasiwa'wawinya widaayadivita gazarazaraji yi pwara kumire wawinya yadivita gazarazaraji yuya sahvara Kwaakevakia situsangi lika yulyaramaripi'dere. Yi sila mugunya naangengi kusawi lika wilapi'dere.

16 Yi sahvara yuya mugunyaji silaangeji jaka dara diwaasare "We! Sarimi nimini a'badaa'nyi jilanyilabwaraama! Gotiyare sinnyiki, kinginamwaalyisavi mwaalikereji yi Diwinyare sinna tikeviji lika dimaraneyulakya!

17 Sare' dare'nanyi. Yirika naanga dazaraare dazagaa' yi similika wiladehaaki. Kayaa'nanya' tivikiryane' dahaa' sa' mena yima'nawa'. Sarevidaa'nyi yiniga aihwai daavoji yi daza' wawilavadelaka! Aawa."

7

Yizireliya kwala naanga (144,000) sara Gotiyare dahilakinike' maaresa'nesi.

1 Sa' mena kyawa' Kwaakevaya tivimaginya dawaai dawaalyaba ejeliya daraai daraalyara daa'dapi nimi tinna wanganna. Sahvara Kwaakevakia yihuta dawaai dawaalya diraginna limwaga'na. "Dahaa' yihuta sa yihu'maanarya Kwaakevakiji saalaalyaviji yita gazarizariji nyadika!" deva diraginna limwaga'na.

2 Yi ejeliya pwai nyilyai bilyiri'dimagi yidawadaa'nyiyari nimi tinna wanganna. Ejeliya sai Gotiya gaala mwaalikere yavikwajike' limwagaka yi sai maangwiraaya jaka diraginna

naanga'na dīna. Yi ejeliya daraai daraala dazaraavina Gotiyai diragi'nya' wijaavakera kwaakesi saalaalyasi kayaaka yigalakya'neraavi yi sahwarav' jaka dīna.

³ Yi jaka dara diwa' "Sarimi daha' Kwaakevasi saalaalyasi yisaraji kayaaka yime'nya'bi' migalakipina! Nemi nemire Gotiyare yaasiwa'wawinyaraavire yamengi gamire yavikwajika pikarya yaadehaa'nanyi. Sara kyawaaji sarimi sahwarav' migalaki yapiji gave pwaraavi jihalakyideihilyi."

⁴ Yi a'mwe yavikwajika pikarya' ma'mwaasaraavine ata dahilya' kanyidiwa' nimi kadika wi'niwe'. A'mwe sahwarav' pikarya wakiwaka kwala naanga (144,000) sara. Yi Yizireliyaraavi yita gazavaasavaakiya pwara yavikwajika pikarya ma'mwaasara.

⁵ Yi Juthare yisavaakiyara kwalaalyara (12,000) pikarya ma'mwaasara. Yi Ruvenimire yisavaakiyara 12,000. Yi Gaatimire yisavaakiyara 12,000.

⁶ Yi Aazare yisavaakiyara 12,000. Yi Napitalaare yisavaakiyara 12,000. Yi Manaazare yisavaakiyara 12,000.

⁷ Yi Simiyonimire yisavaakiyara 12,000. Yi Livaayare yisavaakiyara 12,000. Yi Yizakaamire yisavaakiyara 12,000.

⁸ Yi Sevyulanimire yisavaakiyara 12,000. Yi Jozepiyare yisavaakiyara 12,000. Yi Bejaminimire yisavaakiyara 12,000. A'mwe dazara yi Gotiyare yavikwajika pikarya' ma'mwaasare.

A'mwe kwalaalya naangera baazi'ma'nya

yaake baazi'ma'nikeraavinesĩ.

⁹ Yuya daza mena kya', yithaanyi, a'mwe kwalaalya naanga naangera yi'bwa'nemwaaidapi nĩmĩ tĩnna wanganna. Yi kumĩnyi a'mwei ata yĩnĩga wi'na gĩlanneraavĩna mĩ'. A'mwe dazara ajĩmya yuyangiya gaza-saviyaraayawijĩ yĩta gazavaasavaasiyaraayawijĩ kĩlaaka nabinabinyajiyaraayawijĩ yagaala ge gejiyaraayawijĩ yĩ sahĩbadaasare. Sahwara kingĩnamwaalyĩsavĩre sĩnnyĩkĩjĩ Dĩwĩnya Sipĩzipiyare sĩnnyĩkĩjĩ daavĩna. Baazi'ma'nya yaaka saami gwazaaya wakevera yĩ kumĩre asĩraavi maimunyarabĩ'ne lĩmwageva

¹⁰ maangwĩraaya naange' jaka dĩragĩnna dara dĩwaa' "Nemĩre Gotiyai sai kingĩnamwaalyĩsavĩ mwaalikelyĩ yĩ Sipĩzipiya Dĩwĩnyalyĩ saraai mena nevadaihasama'mwaalyaraalyĩ. Naangebula!"

¹¹ Yi ejeliya yuyara kingĩnamwaalyĩsavijĩ a'mwe naangeraayawijĩ gaala kĩnĩnnaka daraai daraalyaraayawijĩ daaveva yunewĩnna bathakulaawesare. Yi sahwara kingĩnamwaalyĩsayaba gidĩkusaba kumĩre sĩnnyĩ' kwaakewĩ walaruta'nareva Gotiyarĩ lotuya'na yĩlaaya yĩwaa'.

¹² Sahwara dara dĩna:
 "Sahĩrĩsi. Nebula naangesi.
 Nemĩre Gotiyarĩ yĩlaayabwi wiaana!
 Byaanna dĩragĩnya' kuna warana!
 Sĩdu'nakeburĩ aaya kaavĩlyala!
 'Su! Su!' wĩdaana!
 Gamĩnne yaya' munyaba makĩlaana!

Diraginna maremwalya'nebulyi diraginya
naangebulyi

Yi sahwarebwi kuna kuna warana!
Yuyagaa' yuyagaa' dazabura waragwona!
Sahirisi. Nebula naangesi!”

¹³ A'mwe naangerajiya pwai ja'nanyidiwa'
“A'mwe baazi'ma'nya yaaka saamigwazaaya
yira'neve dazara aaiharavaavaka? A'mwe
saraavi jawi'mwaa gawidaa'nyara?”

¹⁴ Sara kanyidiwa' “Nimire naangeigi,
bewara dingaka! Nimi myawiriwa. Saigi
yawimanigi.” Yi sai nyidiwa' “A'mwe dazara
yikamaangeraavi taanginya naangeji daangeji
maare'. Yi taanginya naanga savidaasare. Yi
kumire baazi'ma'nya Diwinyare tawevi aalya
yesa'nanyi. Sarevi baazi'ma'nya daza yaaka
wanyina ya'.

¹⁵ Sarevidaa'nyi sahvara Gotiyare
kinginamwaalyisavi kusimagi daa'divisare.
Nyilyaviji sawisaviji lotuya yadivisare.
Gamire anga nawinyavi sara yadivisare.

Kinginamwaalyisavi mwaaidei
ye'mwannamwaaloji
Yi sahvaraavi mareda'da kimata
bwakedaavadelyi.

¹⁶ Sahvara mijika ayahi yipidera mi'.
Nabaai aalya'na ayahi baibidera mi'.
Nyilyai mala tanya'ne'bi' diraginna widathera
mi'.

Di'ka naanga gazasa' daanga wi'dathera mi'.

¹⁷ Dare' nanyi. Diwinya Sipizipiyai
wimaremwaaladelyi.

Kinginamwaalyisayaba kumire maremwaalyai
 mwaaladei.
 Sahwaraav+ aaliy+minya nawi'nya yirijava wib-
 war+daakwadelyi.
 Aalya gaala kin+nnake' nya'neraav+ makwa-
 wodei.
 Nabaai Gotiyai kumire tinnyaraav+
 yimwagathelyi.
 Kidalaaalya gazasa' yaal+ka kave yimwagathei.
 Yi sahwar+ kinna ayahi dipi'dera mi'."

8

*Bukuyav+ pwi+yin+ika wila ata pur+idaa'ny+
 pwaraalya' marapyas+ibwarake'nesi.*

¹ Sipizipiya Diwinyai wilya' bukuyav+
 pwi+yin+ike' ata pur+idaa'ny+ pwaraalya' mena
 marapyas+ibwa'mwa'. Yi Sigunyav+ saba yagaala
 maayaw+ kuna yada nyitaka pimagi'nya'bi' (aapi-
 aawaaya sagaa') wav+ila'na yiwa'.

² Wav+ila'na ky+wa' ejeliya ata pur+idaa'ny+
 pwaraalyara Gotiyare sinny+iki daa'dapi ni+mi
 tinna wanganna. Yi sahwar+av+ina pihuliya ata
 pur+idaa'ny+ pwaraalya wijaav+ina yiwa'.

³ Yi ejeliya pwai Gotiyare kwaraanyaba
 gid+kusaba buladaa'na. Yi sai maa'gula
 goliya' wabatir+inya yiravay+hwia'ne'
 limwagakei. Sahwar+ina paaw+raayana
 kwalaalya wabatir+inya yiravay+hwia'ne
 wijaawakei sai a'mwe Gotiyare tewaanyaraav+ire
 wija Gotiyar+inej+ mari'bwarakya ya'nei. Yi
 sawhai kinginamwaalyisav+ kusimagi'nya
 di'b+inya goliya war+ika dazav+ Gotiyar+ina

wija Gotiyarına wijaaya'bisaji wabatirinya' mari'bwarakya ya'nei.

⁴ Yi paawiraaya dazangire jita wabatirinyasi Gotiyare tewaanyaraavire gaminyi wija yagaalyaji ejeliyare asiri limwagakevidaa'nyi yilaawaka munyaba Gotiyare sinnyiki yi'ma'mwakengi.

⁵ Sara yaka sai yikunaabithi'maa'gulya' maaraka dike' yi dikwaraka kwaraanyaba maaraka yi maa'gulyavi maradi'gwalaka yi sai dike' livaramwake' Kwaakevakina waimwaawi'. Sai mena kalivaramwa' yi sagaa' yi'munya pilina, purinya yinnyina, yinamiraasavire di'baake mwasabi' livapina, yi sagaa' Kwaakeva' wininya' yina yakengi.

Ejeliyara pihuliya makuresa'nesi.

⁶ Ejeliya ata puridaa'nyi pwaraala dazara pihuliya ata puridaa'nyi pwaraala daza limwagarevera pihuliya pwa'nyi makusa'na yavada'galayoviravalimwanna yiwaa'.

⁷ Yi ejeliya aaya mudinanyai gamire pihuliya' pwa'nyi maku'na kyawa' sirimyasi dikesi tawe ye'mwannayima'naabina yaka Kwaakevakina walaraawina yiwaa'. Kwaaka yuyangi dawaai dasimagi jaapaina yinikeba dawaalyaba tewaanya wa'di'nyi piba saba dike' nyina. Nabaai yita yuyaraavi dawaai dasimagi jaapaina yinikeba dawaalyaba tewaanya wa'di'nyi piba saba dike' nyina. Yi kurivaariya yuyangi yi sa kiningiji dike' baihinyina yiwaa'.

⁸ Yi ejeliya ayawidaasai (2) gamire pihuliya' pwa'nyi maku'na kyawa' mugunya naange'

nadaasiya'bisa' dika naange' saalaalyavina walaraawina. Yi saalaalya dawaai dasimaginya jaapaina yinika davanyaai tewaanya wa'di'nyi pimaginyavaa' tawe' yima'nyina.

⁹ Saalaalyavi gaala mwaaihasaraavi maraligisivaina yinika dawaai dasimaginya yima'nyina kyiwa' yi pimaginya pivaa' mena balina yiwaa'. Yi sipiyangina maraligisivainika dawaai dasimaginya yima'nyina kyiwa' yi sipiya pimaginya pivaa' kayaaka mena yinyina yiwa'.

¹⁰ Yi ejeliya ayawidaasa pwai daraai dalyai (3) gamire pihuliyai' pwa'nyi maku'na kyiwa' silingaaminya naanga pir'i' di'baake' wana dika nebulya'b'i' yidiwake' yi sa' sigunyavi yilamakwasaawaka yi bwala'na. Aalya yuyangiji aaliyiminya yuyangiji sangi dawaai dasimaginya maraligisivainika davanyaai wa'di'nyi aalya pimaginya piningi silingaaminya' bwala'na.

¹¹ Silingaaminya dazavine yaya' dara wo'nike' "Yirike'. Kayaakuryava." Aalya yuyangi pimaginya savaa' yirike' yima'nyina yiwa'. A'mwe kwalaalyara aalya daza' neva yi aalya' kumire munyiki dika kubaihinniwa' yi sahvara mena baimwaa'.

¹² Yi ejeliya ayawidaasa pwai daraai daraalyai (4) gamire pihuliyai' pwa'nyi kamaku'mwa' yi nabaai nyilyariji laweriji yuya silingaaminyangiji tamina yaka yi nyilyare dawaai dasimagidaasa pimagi yigalakina. Yi lawere dawaai dasimagidaasa pimagi yigalakina. Yi silingaaminyangi

dawaai dasimagidaasa pimagi yigalakina. Sarevida'nyĩ kumire baaka pade dahasaai nayaa wa'di'nyĩ baaka pade pimagi'nyaa' jihinya ya'na yina. Yĩ nyilyai yirikevi dahasaalyagaa' naangegaa' (2) nayaa purina yada yirikevi maalikegaa' (1) mavuri. Yĩ nabaai sawita pimagi'nyaa' sara mavuri ywa'.

¹³ Yĩ bwaangya naanga pwai sigunyavi tinnyaba pilavamaryadaa'nyĩ nĩmĩ tinna wanganna. Yĩ nĩmĩ kadika w'nyina yadaazi sai maangwiraaya jaka diraginna dara dina "We! We! We! A'mwe Kwaakevaki mwaaihata kemwaraavina dahasaai dahaa' kale nywa'. Ejeliya daraai dala pwara pihulya pwa'nyĩ kamakurapi yĩ nabaai taanginya naange' sahwaravi yima'nadesi."

9

¹ Yĩ ejeliya atilyai (5) gamire pihulya' pwa'nyĩ kamaku'mwa' silingaaminya pwai Sigunyavidaa'nyĩ Kwaakevakina mena bwala'mwakeri nĩmĩ tinna wanganna. Yĩ tinna kuna wanganna yadaazi sahwarina kiya' wijaavina. Kiya daza' yirorila yune kewewini yinigwalaawaka yĩ daanga maaya dazavine tikurya' baasa'nesi.

² Sai yirorilyavi tikurya daza' kabaasiwa' yĩ yirorilyavidaa'nyĩ jisa' yilina. Saaidika naangevire jita sa'bi' yilina yaka nyilyariji yihusavaakiji galabi'ji'na kywa' yĩ nyilyalyi yihusasi jihinya yima'nyina ywa'.

³ Jihinya yima'nyina yadaa'nyĩ jita savidaa'nyĩ baarinnyara yima'naabina yeva

yi Kwaakevakina walaawina yiwaa'. Yi sahwaradiraginya' diraavalyare diraginya'bi' maarina. Yi Kwaakevakia diraavalyara a'mweraavi kayaaka yigaidivitabaai'bi' kayaa'na ya'ne diraginya' maarina yiwaa'.

⁴ Maarina yeva yagaalya' dara maarina "Sarimi kurivaariyangiji Kwaakevaki dala pininna pininnanya yiri'nade sangiji yita gazarizariji kayaaka migalakipina! Aawa. A'mwe Gotiyare yavikwajika pikarya' kumire yamengi maayaraavi yi dazaraavi kayaaka nayaa j'halakyi!

⁵ Sarimi a'mwe dazahwaraavi daanga naanga j'mwagyidere. Kuna yiwopiji yune lawe atinanyangina. Kiri' sahwaravi tamakya mipina!" Yi baarina dazara a'mweraavina daanga kayaa'nanya' wijaavadivisara. Yirivaburyara a'mweraavi tika da'divi' daanga wijaavadivitabaai'bi' wijaavina.

⁶ Yi daanga dazagaa' a'mwera balya ya'ne tusa'na bi'divi' kiri' sahwaratinna mwan-ganyadivisare. Arikawi. Sahwara "Balaana!" kuna yawi'divisare. Kiri' baryabwi sahwaravi likaanya wodesi.

⁷ Baarina dazara oziyara mala ya'neraayawinnera yawimwavedaa'divitabaai'bisare. Kumire minyaginyangi kingimwaaihi'nya goliyabisa yilarikera. Yi kumire sinnyi' a'mwere sinnyi'bis'i'.

⁸ Yi kumire mijasa saaminaange, a'mwe kiningire mijasabisa. Yi kumire maangerika kavijilikere maangebisa, yi laayonyare saanyabisa.

9 Kumire kihisangi baazi'ma'nya kaapaayabisa saabya' maredaa'nikengi. Yi kumire piya kaariziya kwalaalyabi' oziyara mwagi'namakwodaapi mala'nera pa'da pa'da yinnadevaabi' worryaraavire piyangi pa'da pa'da yinikesi.

10 Kumire suyarika yirivaburyaraavirebaaibisarika. Yi suyariki kumire langeri' kwaaminya daanga wijaaya'ne' kininnakeri' wari'. Nabaai kumire langerikaji daanga naanga daza' a'mweraavi kayaaka yigalya'nera. Sahwara daanga naanga daza' wijaaya'ne diraginya' yune lawe atinanyangina maa'nikere.

11 Kuminyi munyaba kumire maremwaidei yi sai yirorila yune kewewini yingwalaawika yi daanga maayaviya ejeliyalyi. Sarere yaya' Yiviruyagaalyavi Aavathoni, yi Girikiyagaalyavi Aapoliyoni. Yayavi aaya kaavilyasi, "Yuyangi Kayaaka Yigalakadei."

12 Sinnawinya' taanginya naange' sa' menanyi. We' sinnawinya daza' menanyi. Yithaanyi, taanginya pirywaai dividaa'nyi yima'naabathewaai kuna wari'.

13 Yi ejeliya ata puridaa'nyi pwai (6) gamire pihuliyala' pwa'nyi kamaku'mwa' Gotiyare sinnyiki di'binya goliyavi saanya dawaai dawaalyaba tinnyaba maangwiraaya piri' dina. Sa' dina yadaa'nyi nimi kadika wi'niwe'.

14 Yi maangwiraaya daza' ejeliya ata puridaa'nyi pwai pihuliyala' limwagarikeri' dara widina "Aalya naanga Yupiretiziyaviya ejeliya daraai daraala sara wila yinakasara saraavi dimakwaasa!"

15 Widi'na kyiwa' ejeliya sai ejeliya daraai daraala saraavi makwaasina kyiwa' Gotiyai a'mwe yuyaraavi yita davakaai dava'nevi jaapaina yada gave pivaa'na sahwarata tamakya'neraavi dahilakinikera yovirawakigasare. Yi sarera aawaaya nyihaanya daza'na, yi yirika dazariki, yi lawe daziki, yi kwarama yune dazavina wawinya daza' ya'nera yovirawakinikere.

16 Yi ata gilyara aawilasara oziyaraavi mwaaihasara yi tu aadireti miliyoniyara. Kumire ata gilya'na nimi kadika wi'nawe'.

17 Yi nimi a'mabaaitinnya' ya'nena tinna dara wanganna. Oziyaraaviji oziyaraavi yilamwaaleveraaviji kumire sabwi darera. A'mwera kihisangi baazi'ma'nya kaapaaya baazi'ma'nevera, yi kumire kalaaya dazangire sa dikeviya wayaaka, yi gwaagwaaja yi saalipaayaviya awi'ja kininnakera. Oziyaraavire m'nyaginya yi kavijilikeibita laayoniyaraavire m'nyaginyabisangi. Yi kumire maangengi dikesi jisasi sila saalipaayasi yima'naka mwasabi' livapina.

18 Kayaa'nanaanga dawaai data daza a'mwe pimaginya savaa' tamakina. Yi yuyaraaviya davakaai mwaaidakilyiyaraavi maramaki yadivi' yuyaraavi davaa' mwaaidi'nyiyaraavi tamakina. Yi dika dazasi yi jisasi yi sila saalipaayasi sahwaravi tamakina. Oziyaraavire maangengidaa'nyi livapina yaka tamakina.

19 Sare' dare'nesi. Oziya dazaraavire diraginya' tamakya'ne diraginya' maangikiji

warina, likikiji warina. Sare' dare'nesi. Kumire suya kamaalyarabisingi. Yi kamaaiminyaginya kininnakengi. Yi dazaji a'mweraavi kayaaka yigalakadivisare.

²⁰ A'mwe yuya pwara, kayaa'nanaanga daza tamakagihiwakera tinna nayaa wanganeva kiri' kumire asaji yavikaryadivita sangina kumire simunyabwi mudikebwi kuna myawiramariwaa'. Arikewi. Yimakeravi lotuya ya sabwi, yi kwaasigotiyaraavi sahwara yavikaryadivita goliyaji silivaayaji biraazyaji silyaraji yisaraji saraavi yilaaya'na bule'na wijaavadivitara mi'. Yi kwaasigotiya dazara yi tinna yiniga mwanganyadivi' kadika yiniga mu'nyadivi' kaanya yiniga yamaryadivitara mi'.

²¹ Yi a'mwe dazara kumire a'mwe pwaraavi tamakyabulyi giri'nya yabulyi ata limwangebulyi kukebulyi sasare sabwi kiburina simunya mudikebwi yawiramaa'divitara mi'.

10

Ejeliyai bukuya maalike' Jonimina kujaava' tika nake'nesi.

¹ Ejeliya pwai diraginaangei Sigunyabadaa'nyi waidavadaa'nyi nimi tinna wanganna. Sai gan-nya kilaakejiki yiraayas bwaakinikei, yi gamire minyaginyavi byaawilya' widaa'di'nyiyai, yi gamire sinnyi' nyilyaibi' yidadaa'nyi, yi gamire sivilyaraai dihibya'bi' ditaalita saaminyawawa' yidadaasiya'bisaraai.

² Sarei gamire asiri bukuya maalitaaya pwi limwagakei, yi bukuyi tlaayinaka warina

yadi'nyiyai. Sai saalaalyavi gamire sivila aangasi yilakadi'nyi yi kwaakevaki sivila kwanaami yilakina yaka daavina yiwa'.

³ Daavina yada kavijilikeibisai laayonyai pwaka dadevaai' sai jaka naanga diraginna dina. Jaka sara dina kywa' sagaa' yimunya ata puridaa'nyi daraala sa kumire maangwiraaya pilina.

⁴ Sara pilina kywa' nimi yawina "Kumire yagaalya' yidavima!" yawina yena yiwe'. Nimi kadika winyina yadaazi Sigunyavidaa'nyi maangwiraaya pir' dina "Yimunya ata puridaa'nyi pwaraalyangire yagaala pimwake' sa' gimire simunyavi nayaa marabipalemwaaina ji! Pikarya mida'dinna!"

⁵ Dina kywa' ejeliya dazai saalaalyaviji kwaakevaji' daa'di'nyi nimi tinna wangamwei "Yagaala naange' dima!" daka Sigunyavi gamire aangasi munyaba makina yaka

⁶ dina "Gotiyar'ine yayavi yagaala nebulya' warya'ne' dima! Yi Gotiyai sai yuyagaa' yuyagaa' gaala mwaaidei, sai Sigunya' wakyaaakesi yuya Sigunyavi warikeji, yi kwaakesi yuya kwaakevi' warikeji, yi saalaalya kirisi yuya saalaalyavi warikeji yuya sa wakyaaakei gamire yayavi yagaala nebulya' dima! Yiriker' mena yaja sagaa'. Gotiyai yemwaala ayahi pizi'gwa yadei mi'.

⁷ Aawa. Divi ejeliya ata puridaa'nyi pwaraalyai pihulya' kamakuroji, yi gamire jake' kinnoji yi dazagaa' sagaa' Gotiyare yoimavajal'kurakya sa' menanyi. Yi sa' Gotiyai wana nebulya'na yadesi.

Yi gamire yaasiwa'wawinyara, gaminyi wi'nawijiwaakadivita saraavi nayaa sara widakabaaibi' sara yima'naabakesi!"

8 Yi maangwiraaya daza' sinnawi Sigunyavidaa'nyi kyima'niwa' nimi kadika wi'niwe' niminyi ayahi dara widina "Ejeliya saalaalyaviji kwaakevakiji daavakere asiri bukuya dazi tilaayinika si dimaraawa!"

9 Sara widina kanyiwa' nimi ejeliyaryawinna kaanna wina yena, yi sari nimi widina "Bukuya maalika dazi dinyijaama!" widina kye, yi, sai niminyi widina "Di maara'gizi tika dinigu'na! Yi sa' gimire munyiki yirika gima'nadesi. Kiri' nabaai gimire maangiki kaamyoikwarakebi' waburya gyathesi."

10 Sai mena kanyidwa' yi nimi ejeliyare asiri bukuya maalika dazi maarina yena yi nimi tika nyina. Yi nimire maangevi yi sa' kaamyoikwarakebi' waburya yina. Kiri' nimi mena kaniwa yi sa' nimire munyiki yirika nyiwa'.

11 Yi niminyi wija' dara dini' "Gimi Gotiyare yagaalya' (yikwia' niwaanya') yima'nadenna nayaa ayahi duziwaaki! Yi kilaaka dala nabinabinya kwalaalyara, ajimya yuyangiya kwalaalyara, yagaala ge gejiya kwalaalyara, kingiya kwalaalyaraji saraavina duziwaaki! Sara ja!"

11

A'mwe pwaraii yagaalya'
jalikurakagilya'nesi.

1 Niminyina yannyari' wijaavina. Yanna sari' yaamiji yunebanna ya'neri', yita

kaanya yade mavamarya ya'neri'bisari'. Yi wijaavina nyaka niminyi widina “Gimi wawa'gizi Gotiyare anga nawi'nyavi Gotiyarine kwaraanya kir+viji yunebanna yaamijiyita dakya! Nabaai sahwarina lotuya (yilaaya) yadivita a'mweraavina ata dihi!

² Kir'i' anga nawi'nyavi kurita dazavi mwasilaa warikevi yaamijiyita mwakinna! Sa' yi gim'i nayaa yagalya'ma'na ji! Wamaryana! Mwasimaginya daza' yi sa' ajimya yuyangiyara mu'nyadivisaraavire' yima'niwa'. Yi sahwarang naanga nawi'nyaba (Jeruzaalemi) sivila paihipi'dere. Kuna yiwopiji lawe 42 (yirika 1260) yidaakupi'dehaa'nanyi.

³ Yi nabaai nimi a'mwe pwaraala dazaraai niminyi jalikurakya'neraarina maryasaabi'deraalyi. Yi saraai bekiya kale'naji simunya mudikebwi yawiramaarya'naji sa' baazi'ma'nakilyi yi niminyi nyu'nakilyi pwaraavi wijiwaakikaderaalyi. Kuna yiwokilyi yune yirika 1260 sagaa'nanyi.”

⁴ Saraai yita woliviyawaalyi. Yi laamivananya' yilakya'newaalyi. Yi sareraai kwaaka yuyavaakine Naangere sinnyiki daakilyaraalyi. Woliv+welivananya' laamivananyavi dika yewita'divi' baaka wannadevaai' saraai Gotiyare Kuryare diraginyavi jalikurakikaderaalyi.

⁵ Nabaai a'mwe pwai kwai “Saraari kayaa'na yigalima!” dozi yajai, yi nabaai saraare maangevidaa'nyi dika yima'noji sahwarare yikamaangeraavi dika nakadere. Yo, a'mwei “Saraari kayaa'na yigalima!” dozi yajai yi sasare

dazaburi sai balina yadelyi.

⁶ Saraai diraginya' kin+nnakeraalyi. Yuya sagaa' saraai Gotiyare yagaalya' wi'nyina yakilyi pwaraavi wijiwakadaakilyiyagaa'na yiraaya' galalimwagya'ne' yi burike' maya'ne diraginya' kin+nnakeraai. Yi saraai aalya yuya tawe yimawakya'neraai, yi a'mwe Kwaakevakiyaraavi kayaaka yigalakya'neraavi kayaaka dala p+n+nnanyaji tamyane diraginyasiyaraalyi. Yuya sagaa' saraai "Sara yaka!" dakilyiya' yi saraai yiniga wi'na yina yikaderaalyi.

⁷ Saraai kirimire jalikurakiwawinya' mena kyimwannakiri yi sigyaarya dazai yi yirorila daanga maayavi mwaaidei saviyagalya'mavoji yilaabathelyi. Yi sai saraalyi mala bwa'nipi'delyi. Yi sai saraari wavila'na yoji yi saraari tamakina yaderaalyi.

⁸ Yi nabaai anga naanga dazabanya tutaanya naangevaki saraare kilaakejikaai waradezikaalyi. Anga naanga daza' Kuryai dadeva ke'ba'nanya'na "Sothomima, Yizipima," wo'nikesi. Sabanyaai Gotiyare yikamaangera mwalyaasabanyaarina sara wo'nikesi. Da anga naanga dazahibanna saraare Naangei yita yovihirarannikevi balake'.

⁹ A'mwe yuya kilaaka dala nabinyaji'jiya pwaraji yi yita savakaaviyaraji yagaala yuyangine pwaraji ajimya yuyangiya pwaraji jalikurakya dazaraari tinna wangamanigasare. Yi yirika darikaai dari' yoji maalikagaasi yune sagaa'na wangamanigasare. Yi sahwara a'mwe pwara saraari maralikirakya'na

“Ya. Gilekavi'ninnyavi wilakaana! Wagila nuwva'nadika!” yiniga dipi'dera mi'.

10 Saraai mena baimwaalya'na a'mwe Kwaakevakiyara sahwara yilaaya yipi'dere. Yi nabaai sahwara kwarama yadivi', yi tika wapaa nadi'vi' sihumale kw'ya'mweraavina wijaavipi'dere. Sare' dare'nanyi. Gotiyari wi'nadi' a'mwe Kwaakevaki mwaihasaraavina widiwaalya'na dazaraai taanga kayaa'nanya' wijaavagileraalyi.

11 Yirika darikaai darisi maalikageasi mena ky'wa' yi nabaai Gotiyai pwa'nyi' maku'nya gaala ya'ne' kamaryaasi'wa' saraari kwimwa' yi saraai dikaa'na yagila, yi kirimire sivi'lyi daavina y'waalyaraalyi. A'mwera saraari tinna wanganna yeva lika naanga yiwaa'.

12 Yi saraai maangwiraaya piri' Sigunyavidaa'nya' kadika wi'nyina. Yi saraari jaka diraginna dara widina “Kirimi munya davanna jilaabila!” Yi saraai kadika wi'nyina yagila munyaba Sigunyavina yiraayavi yilaawina. Yi saraare yikamaangera sara tinna wanganna yadaapi saraai yilaawina yiwai.

13 Yi dazagaasagaa' wininya naange' yima'nyina ky'wa' yi anga naangebanya pimagingya pivaa' yi savaa' kayaaka yima'nyina. Yi anga pimagingya naangeba pimagingya ata puridaa'nyi' daraai daraalyavaka kuna warina. Nabaai wininya dazavi' a'mwe kwalaalyara (7,000) sara mena balina. Balina ky'waa' a'mwe pwara yivainikera lika naanga yadivi' yi sahwara Gotiya Sigunyaviyar'ine yaya' munyabanna makina y'waasaraav'nera.

14 Taanginya naanga daraalya' we' pwaraalya' sa' menanyi. Yi'thaanyi! Yune maalikéгаа'na yoji yí taanginya daraai dalya' yí yarai yíma'nadesi.

Ejelíya ata purídaa'nyí daraalyai pihulíya' pwa'nyí makurake'nesi.

15 Yí ejelíya ata purídaa'nyí daraalyai gamíre pihulíya' pwa'nyí maku'na kyíwaa', yí nabaai, Sígunyavídaa'nyí maangwíraaya píni' jaka naanga'na díraginna dara dína “Nemíre Naangei Gotíyai gannya Kíraazítíyai Kingíya dahílakyaakerí maryasaabakelyí maremwaalya Kwaakevakíya yuya gamíre yíma'níwakengi! Yuyagaa' yuyagaa' sai kingíyai maremwaaidelyí.”

16 Sara dína kyíwaa' a'mwe naanga tíwedipoyara Gotíyare tínniyarí kunnya kingínamwaalyísangi mwaaidapiyara kumíre sínnyí' kwaakewíinna walaruta'nareva Gotíyarí yílaaya yína yeva

17 dara dína

“Naangeigí, Gotíyaigí Díragínya Yuyangí Aaya Kaavílyagí
Gímí dahaa' mwaaihínyaigí kígaakuna kuna mwaalagíneigí
Gímíre díragínya naange' maaragína kingíyaigí mwaaihínya'na

Yí nemi' gímínyí 'Su! Su!' gíthívanígo.

18 Ajímíya yuyangíyara mu'nyadívísara gímínyína símilíka wílakere.

Kírí' gímíre símilíka naange' mena yíma'nívaní'.

Dahaa' kotiyavî yî'maya'negaa' bainîkeraavîna
yîma'nîvanî'.

Dahaa' gîmîre yaasîwa'wawînyaraavîna tivîkîta
nawî'nya wîjaaya'negaaki.

Sara yî Gotiyarî wî'nawîjîwaakadîvîsarajî, yî
gîmîre tewaanyarajî,

Sahwara lîka yadîvî' gîmînyî dalaangewî
wîla'nadîvîsara

Yî a'mwe kwaakewînyarajî yî a'mwe munyaban-
yarajî.

Nabaai dahaa' a'mwe Kwaakevaki mwaal-
yaraavî yîgalakadîvîsaraavîna,

Yî sahwaraavî kayaaka yîgalakya'negaa' mena
yîma'nîvanî'."

19 A'mwe naangera mena devegaa' yî
Sîgunyavî Gotiyare anga nawî'nya' baasîna
kyîwa' baasînika kusawî yî bukuta Gotiyare
wîlîmwagarakevîre' yî sa' ku'maayaba warîna.
Bukuta savî Gotiyare kîwînya ye'mwannajaake'
wîlarîke' dara yawîrya'nesî. Gotiyai nemîjî
ye'mwannamwaalîkelyî. Sa' ku'maayaba
warîna yadî'nyî yînamîraasavîre dî'baake
mwasabî' livapîna, purînya yînnîna, yî'munya
pilîna, kwaakeva' wînînya' yîna, sîrîmya
naange' bwala'na yakengî.

12

*A'mwesî kabaraawarya naangelyî
sawaarînesî.*

¹ Yî sîgunyavî yîbwarîdaakwia naanga pîrî'
yîma'nyîna. Sa' da'dare'. A'mwe pîrî' mwaalîna.
Yî sa' nyîlyai gamîre kîlaakejîkî baazî'ma'nîkesî.
Yî gamîre sîvîlyîraarî kwaaka dalaangewî

lawei mwaalina. Yi gamire m+nyag+nyav+ silingaam+nya at+raai si+vily+r+daa'ny+ pwaraalya king+mwaaih+'nyangi.

² Sa' kaim+raav+munya kin+nnake' yi kaim+raaya maarya'ne daange' savi y+ma'ny+na y+wa'. Yi daanga daza' yi wana kayaa'nanya'. Yi sara wiadaa'ny+ yi sa' kaim+raaya maarya'negaa'ne jaka di+rag+inna dina.

³ Kuna jaka dina yadaa'ny+ si+gunyav+ y+bwari+daakwa pir+' y+ma'ny+na. Daza' yi dare'. Yi+thaanyi! Kabaraawaryaib+ta naanga pwai mwaalina. Sai wayaaka yaka yi m+nyag+inya ata pur+daa'ny+ pwaraalya kin+nnakei yi m+nyag+zaanya at+raalyaj+iyai. Yi gamire m+nyag+nyangi king+mwaaih+'nya ata pur+daa'ny+ pwaraalya war+na.

⁴ Yi gamire suyai si+gunyav+iya silingaam+nya p+vaa' wana pada'galabwaki+'na yasaab+na yaka kwaakevak+na marali+varamaab+na. Yi silingaam+nya pimag+nyaala savaa'na si+gunyav+ kuna war+na. Yi kabaraawarya dazai a'mwe maarya'ne dazav+re si+daliki daav+na, “Kaim+raayari+ maar+ma!” dada yadaa'ny+. Yi sahwai “A'mwe kaim+raayari+ mena kamaar+o+iya,” daka “Sagaasagaa' kaim+raaya dazai tika maran+ide'na!” daka yemwaaina.

⁵ Kuna yemwaaina yadaa'ny+ yi a'mwe' gawaal+vaangei kaim+raaya kwalyai maar+na. Kaim+raaya dazai di+vidaa'ny+ y+ta aay+ni+yari' limwagozi yi sasi aj+mya yuyang+iya yuyaraav+ di+rag+inna maremwaaaladely+. Yi a'mwe' kaim+raayai mena maar+na

kyiwa' yi Gotiyai kaimiraayarî munyabanna yarai yipalamakilaawina yiwakelyi. Kabaraawaryai “Maranîma!” daka yiwakelyi. Yipalamakilaawina yaka gannya kinginamwaalyisavina makilaawina kyiwa' kabaraawaryai maranîwakei mi'.

⁶ Mamaranyi kyiwa' yi a'mwe daza' a'mwamaaya kunyimaginna likaanya wina. Dazimagî Gotiyai gaminnebanya' mena yovirawakinikeba. A'mwe savî yiniga wi'na 1,260 yirikerikaavî maremwaidivî' wapaajî wijaaya'nesî.

⁷ Sigunyavi mala naange' yima'naabina. Ejeliya naangei Maaikelijî gamire ejeliyarajî sara kabaraawaryalyî mala ye'mwannabwa'nyina. Yi kabaraawarya dazalyî gannya ejeliyarajî yi sahvara kumire malyangî ayahi tivîkî'na yina.

⁸ Yaamijî tivîkî'na yina yeva kirî' sahvara malya' wavîlaya'ne diraginnya' maayare. Sarevidaa'nyî yi Sigunyavi sahvara ayahi yiniga wi'na mwaabî'dera mi'. Arîkewî.

⁹ Yi Gotiyare ejeliyara sahvara kabaraawarya naanga dazarî kewîninna maralivaranna yiwaa'. Yi kabaraawarya dazai yi wana sinnawî kigaa' kamaalyai kunanyalyî. Yi “Yuyaraavi Kotiya Maryadela,” wo'nîkei, yi Saataanî Yikamaangei (Siwaakei) wo'nîkelyi. Sai Kwaakevakiya a'mwe mwaaihata yuyaraavi kwaasî yagaala widadelyi. Maaikelijî gamire ejeliyarajî Kwaakevakîna kewîninna maralivaranna. Yi gannya ejeliyara kwaraavijî maralivaramwaasara sara salyî ye'mwannîgwalîna yiwaa'.

10 Yi Sigunyavɨ maangwiraaya piri' jaka diraginna kadɨwa' nɨmɨ kadɨka wɨ'nɨwa. Yi dara dɨna

“Aawi! Dahaa' nemire Gotiyai yuna nevadai-hasamaa'mwa'.

Yi ku'maayabanna gannya diragɨnya' mena yɨma'naabiwa'.

Yi dahaa' sahwai Kingiyai mena maremwaaimwa'.

Gannya Kiraazɨtiyai Kingiya dahilakyaakerebwi yuna maa'mwa'.

Sare' dare'nesi. Dahaa' kewewɨnɨnna mena livaramwaasa'nanyɨ.

Neyamweraavɨ kotiya marya'ne dazari yuna livaramwaa'.

Nyilyavɨji sawisavɨji nemire Gotiyare tinnyari neyɨdaanganaka

Sahwai nemɨnyɨ kotiya kayaa'na diraginna maryadelyɨ.

Kiri' sasarerɨ dahaa' ejeliyara nayaa livaramwaasarɨnera.

Sara kyɨwaa' sai mena kewɨnɨnna waimwaawɨkerɨnera.

11 Neyamwera Sipɨzipɨya Diwɨnyare tawevɨna malya' wavɨla'mwaa'.

Sahwara gamire yagaalya' wijalɨkurakevevi malya' wavɨla'mwaa'.

Kwaakevakɨ nawɨ'nya mwaalya'na simunya kwalaalya myawɨriwaa'.

Aawa. 'Yikamaangera neramakɨpɨka!' deva baihana'na yɨwaasare.

Sasare dazaburɨ malya' wavɨlaveva yikamaangerɨ marasi'nɨwaasare.

12 Sarev+idaa'nyi, Sigunya'giji sah+ba mwaaiha-saih+lyi y+laaya ji!

Kiri' Kwaakeva'giji saalaalya'giji kir+m+inyi mwaaihasaraav+na we'!

Taanginya naange' sabanyaai mwaaihasaihi sar+m+inyi y+hima'nade'nanyi.

Sar+m+inyaw+inna Yuyaraavi Kotiya Maryadei mena waimwaabi'.

'Yune maalikéгаа'nanyainyi daakaji,' sinna t+ke' kin+innakei

Sar+m+inyi kayaa'nanya dala p+n+inna p+n+inna ya'nelyi."

13 Kabaraawarya dazai tinna dara wangamwake' "O, Kwaakevak+ kewin+inya daw+inna ny+maral+varamwaasainyi midaaka!" Sara daka a'mwe' kaim+raaya kwalyari maaraka savi mijamakuna.

14 Mijamakuna yadaa'nyi a'mwe dazav+na bwaangya kware piya piri+wai wijaav+na ky+wa' yi sa' a'mwamaaya kuny+mag+inna y+nga pilakwonnesi. Yi sa' Kamaala naangeri like'na menyabanna mwaalya'ne' pilakwonnesi. Yi nabaai sah+ba kwaramé dawaai da' yoji yi kwaramé pimag+nyasi kuna yiwawoji wapaaya pada'galamaremwaaladelyi.

15 A'mwe' likaanya kuna wodaa'nyi yi Kamaala dazai gam+re maangev+daa'nyi aalya' kwadaaka mudaasiya'. Aalya daza' yi aalyaaka naange' yada yi a'mwe' mijamakuna. Kamaalyai dara yaw+da "Aalyaake' a'mwe savi maram+loji saba y+w+na yana!" sara y+na y+wake'nanyi.

16 Aalyaaka naange' a'mwe daza' mijamakuna yadaa'nyi Kwaakeva' a'mwevi gaimwanna.

Kwaakeva' maanga taavina yada aalya daza' Kamaalyai gamire maangevidaany' kwadaaka mudakade' nigu'nyina. A'mwe' mamihaasa'na nigu'nyina.

¹⁷ Sara nigu'nyina ky'wa' a'mwe' yuna likaanya ky'wa' y' kabaraawarya dazai a'mwe dazavina similika wilina wiwa'. Y' sai "Sahirivire kaimiraaya pwaraj' malya' mala yinaana!" daka kaanya wiwa'. Kaimiraaya dazara Gotiyare kiwinya mididivi' y' sahvara Jizaazarina jalikurakadivisara mwaaihasare.

¹⁸ Y' kabaraawarya dazai saalaalyav' maangebaari daa'delyi.

13

Saalaalyavidaany' Sigyaaryai yilaabina yake'nesi.

¹ Y' n'imi' tinna wanganna yadaazi sigyaarya pwai saalaalyavidaany' y'ima'naabina. Sai m'nyagizaanya atiraalya kininnakei yaka nabaai m'nyaginiya ata puridaany' pwaraalyajiyai. Y' gamire m'nyagizaanyangi kingimwaaihi'nya atiraalya warina. Y' gamire m'nyaginiyangi yaya pini warina. Y' yaya dazangire aaya kaavilya' y' sa' dare'na "Gotiyarine yagaabiraizika dala pininna pininnanya."

² Sigyaarya dazai n'imi' tinna wangamwei y' sai lepaatiyaibisai y' gamire sivilya' beyare sivilya'bisasiya' y' gamire maange' kavijilikeibita laayonyare maange'bisa'. Y' kabaraawarya dazai sigyaaryarina gamire diraginiya' wijaavina. Sari dahilakina yaka

sari sarei kingiya mwaalina ya'na gami saibi'na, yi sara yaka sarina diragina naange' wijaavina y'wa'.

³ Sigyaaryare m'nyagina pir'i' yi mena davaka baimwan'ke'bi'sa'. Kir'i' m'nyagina dazaviya wa'waaya' sa' yaalika y'nnike' yaka ayina tewaanya yima'nyina y'niker'nera. Yi a'mwe yuyara sigyaarya dazarina lika y'wainigulina yadivi' sari midinna.

⁴ Sara midinna yadivi' kabaraawarya dazai gamire diragina' sigyaarya dazahwarina wijaawake'na a'mwera kabaraawaryari y'ilaaya yina yadivisare. Yi a'mwera Gotiyai gaveri y'ilaaya y'pinebaaibi' sahvara kabaraawarya dazari y'ilaaya yina. Yi sara yadivi' sigyaarya kwariji y'ilaaya yina yadivisare. Yi sahvara dara dadivisare “Pwai avainanyai sigyaarya dazaibi' aaihwalaka! Sahwalyi mala y'ninga ye'mwannarannadei aaihwalaka! Sahwari wawilavadei daaka! Ar'ikewi.”

⁵ Yi Gotiyai sigyaarya dazari wanganakina yadaa'nyi' jaka naanga yaasiwa' dina yada yamarivan'. Yi sara yada Gotiyari yagaaib'raizika y'vani'. Yi sai diragina kininnakei maremwaala sasare sabwi ya'ne y'ninga wi'na lawe a'mwe pwaraare atiziv'iraai yaka pir'waalyangi (42). Sai dare'bi' dina “Yuyaraaviji yuyaburaaviji wawila'd'inyainyi n'imi.”

⁶ Sahwai gamire maange' taa'da yi Gotiyarina yagaaib'raizika y'van'kelyi. Sai Gotiyar'ine yaya' yagaaib'raizika dadelyi, yi Gotiyare angevinaji, yi Gotiyare y'ita dazavaa' Sigunyavi mwaaihata

saraaviji.

⁷ Yi Gotiyai dazari wanganakina yadaa'nyi yi sai Gotiyare a'mwe tewaanyaraji malya' ye'mwannabwa'mani'. Yi sara yada malya' wawila'da yi saraavi walamarakadere. Yi sai diraginya yiniga wi'nanya' maaraka sai kingiyai yita gazavaasavaakiyaraavinaji yi kilaaka nabinabinyajiyaraavinaji yi yagaala ge gejiyaraavinaji yi ajimya yuyangiya gasaviyaraavinaji kingiyai mwaalina.

⁸ Yi a'mwe Kwaakevaki mwaaihata yuyara sigyaarya dazari lotuya yipi'dere. Yi gazaizai gamire yaya' bukuya gaala mwaalya'niri mida'nikei dazari lotuya yadelyi. Bukuya dazi yi bukuya Diwinya Sipizipiyari sinnawi Gotiyai Kwaakeva' mwakyaakegaa' tamakinika sahwarilyi.

⁹ A'mwei kadinakeinyi daakaji sai yagaala dathavi kadika nayaa pada'galawinana!

¹⁰ A'mwe kwai kalavuzavina wiya'nei

Kalavuzavina nayaa wina yana!

A'mwe kwai kwaari'masiraminyavi balya'nei

Kwaari'masiraminyavi nayaa balina yadelyi.

Nabaai sasare dazabwi yima'naja' yi Gotiyare a'mwe tewaanyara sahwaradi raginna daavapiji Gotiyari gamire diraginyasi kuna diraginna limwagapika!

Kwaakevaidaa'nyi sigyaarya pwai yima'naabina yake'nesi.

¹¹ Yi sigyaarya pwai kwaakevi kusawi dikavaka munyaba yidavadaa'nyi yi sari nini tinna wanganna. Sai minyagizaanya

piriwaai kininnakei minyagizaanya
 sipizipidiwinyare'bisawaalyiyai. Yi
 kabaraawaryai yagaala dadevaai' dadei.

¹² Ayahidaasa sigyaarya dazai yi sai diraginya
 yuya' maremwaala sigyaarya aaya mudikere'
 maaraka yi sai aaya mudikere sinnyiki diraginya
 dazasi wawinya yadei. Sai wawinya diraginna
 yade'na sigyaarya aaya mudinanya dazarina
 Kwaakevakiji sahba mwaaihata saraavi sara
 lotuya yadivisa'nanyi. Sinnawi kigaa' wa'waaya
 kayaa'nanya' sahwarì yinahu tamakya'ne' sa'
 mena yaalika yilakeri. Yi sahwarina diraginna
 yada Kwaakevakiyara yilaaya yina yadivisalyi.

¹³ Sigyaarya ayahidaasai yibwaridaakwia'ne,
 atika maru'narya'ne dala pininna pininnanya
 naange yadelyi. Atika maru'narya'ne piri'
 yi sa' yi dare'. A'mweraavire tinnyari' dike'
 yira'daa'nyiya' sigunyavi' yagalya'ma'da
 kwaakevakina walaabina.

¹⁴ Sai sigyaarya aaya mudikere tinnyari' atika
 maru'narya'ne dala nabinabinya yivanikelyi. Yi
 sasare dazabwi sai a'mwe Kwaakevakiyaraavi
 kwaasi yijiwaaidevulyi. Sai Kwaakevakiya
 a'mweraavi' dara widada "Sigyaaryari'
 a'mwa'mwe' sarine yaya' munyaba makilya'ne'
 nayaa jila! Yi sigyaarya dazai sinnawi kigaa'
 kwaari'masiraminya' dawakakei sari, kiri' sai
 gaala ayina mwaali'. Yi sareri' lotuya kuna nayaa
 jila!"

¹⁵ Yi Gotiyai sari wanganakina yadaa'nyì yi sai
 sigyaarya pware a'mwa'mwevina simudinya'
 wijaavan'. Yi a'mwa'mwe daza' yagaala ja'na
 wijaavina. Yi nabaai a'mwe pwara sigyaarya

sare a'mwa'mwe dazavina lotuya mi kyapiji yĩ a'mwa'mwe sa' saraavina dina "Sareraavi yarai diramakyila!" yĩ sara ya'na simudinnya' wijaavina.

16 Yĩ sigyaarya ayahidaasai "Sara jila!" kadiwa' yĩ pwara a'mwe yuyaraavi "Aangasiri midaakaji. Yamevi midaakaji." deva "Sigyaaryarera daaka!" ja'ne baave piri' pikarya yavikaridivisa'. Yĩ a'mwe maalikeraaviji a'mwe yaya' kininnakeraaviji kwaraavi, yĩ a'mwe nigwinakeraaviji a'mwe gilyivi'maayaraaviji kwaraavi, yĩ a'mwe kumirena yadivisaraaviji a'mwe yaasiwa'wawinyaraaviji kwaraavi, yĩ yuya sareraavi baave piri' pikarya yavikaridivisasi.

17 Sarevi yĩ nabaai "Kimaakiya dakyila!" kadiwaa' a'mwei baave daza' kunei sigyaarya dazarine yaya' piri', gaminne yayavine ata gilya kiri' yĩ sai gilyivisa a'mweraavi mubatheimi'. Yĩ sahvara gaminyi mubipi'deimi'.

18 Yĩ nemi daza'na simunya nayaa yawiraa! A'mwe sidu'nakei sai sigyaaryare nabaayavi ata nayaa dihila! Daza' yĩ a'mwe kwarine ata gilyasi. Yĩ a'mwe dazarine ata gilya' yĩ sa' 666.

14

Sipizipiya Diwinyare daata mudike' desa'nesi.

1 Nimi tinna ayina wanganna. Yithaanyi! Mugunya Saayoni Sipizipiya Diwinyai daa'di'nyĩ yĩ a'mwe kwalaalya (144,000) sara sahwalysi ye'mwannadaa'dapi tinna wanganna. Sahvara

kumire yamengi Diwinyarine yayasi yi gannya Ganimaangerine yayasi yida'nikera mwaaiha'.

² Yi purinya nawi'nya Sigunyavidaa'nyi kyinnigav+wa' nimi kadika wi'niwa. Purinya sa' aalya naange aalijaka yinnadevaai+bi', yi yimunya pida jaka naanga yinnadevaai+bi+sa'. Nimi purinya daza' kadika wi'niwe' yi sa' piradaza'bisavi. Yi sa' aringa a'mwera gitaaya tadaapi piradazi+yagaala yinnadevaai+bi+sa'.

³ Sahwara Gotiyare kinginamwaaly+isavi kusimagiji yi daraai daraala gaala kininnakeraavi tinnyariji a'mwe naangeraavi tinnyariji saba daata mudika piri' dina yivaniga'. A'mwe Kwaakevakiyaraavi a'mwe (144,000) kwalaalya dazara ayina mubini+kerana yune sahwarana daata daza' yawiramaapinere. Aane pwai kwai aawa.

⁴ A'mwe dazara sahwarana a'mwe saji girikita'nanya sabwi yevera mi'. Sare' dare'nanyi. Sahwarana sidiraaya nawi'nya mwaaidiv+itabaai+bi+sara Gotiyari yagalya'mavetara mi'. Kwaakevakiya kayaa'nanya saburaavi limwagetara mi'. A'mwe dazara sahwarana Diwinyai "Saburi kaanya wima!" dada yadevanyari midinna yadivisare. A'mwe dazara sahwarana a'mwe pwaraayaw+idaa'nyi Gotiyai ayina mubakere. Gotiyai gannaraavi maarakera, Diwinyai kwarij+inera. Yi tika munne aaya mudinanya Gotiyarina wijayaatabaai+bi' sahwarana Gotiyalyi Diwinya Sipizipiyalyi saraarera aaya mudinanyara mwaaiha'.

⁵ Sahwara kumire maangevi kwaasi yagaala

kunera. Kwaasi yagaala majadi+isara. Sahwara yi+wetawakya maayara.

Ejeliya daraai dalyara desa'nesi.

⁶ Yi ejeliya pwai sigunyavi tinnyaba kavilakuwa' nimi tinna wanganna. Sai yagaala tewaanya' yuyagaa' yuyagaa'ne' kininnakei. Yi sai yagaala daza' a'mwera kwaakevaki mwaaihasaraavi wiji+waakya'nei. Sai ajimya yuyangiya gasav+yaraaviji yita gazavaasavaaki+yaraaviji yagaala ge geji+yaraaviji kilaaka nabinabinyaji+yaraaviji wiji+waakya'nelyi.

⁷ Sai maangwiraaya jaka diraginna dara dina “Yirikegaa' mena yima'n+wa'. Gotiyai a'mwe yuyaraavi kotiyavi maryaw+bwarya'ne'na sarina lika nayaa yadi+vi' gaminne yaya' munyaba dimakilyi! Byaanna kininnakeri yilaaya ji! Sigunya' sasi kwaakesi saalaalyasi aaliy+iminya yuya kiniji yav+karyaakei Gotiyar+ lotuya nayaa ji!”

⁸ Ejeliya aaya mudinanyai mena pilakuna wina ky+wa' munyaba ejeliya pwai midinaabina yaka dina “Anga naanga Bavi+loni sa' kayaaka yada mena bwala'mwa'. Mena bwala'mwa'. Anga naanga Bavi+loni dazah+ba yadewwi a'mwe ajimya yuyangi+yara gamire girikita'nanya diraginyabwi midinya'na yi dare'bisasi. Sa' waain+ya diraginya' wjavadaasi sahwara nyina. Kiri' sare'na Gotiyai yuyaraavina sinna tike' w+daya'ne' yima'n+wakesi.”

⁹ Yi di+vidaa'nyi ejeliya pwai saraari midinaabina yaka jaka diraginna dara dina

“Nabaai a'mwe kwai sigyaarya aaya mud'i'nanya dazarina yi gamire a'mwa'mwerinaji lotuya yajai yi 'Baave' yamevi maaride' dingaka? Asavi maaride' dingaka?' dada maaroji

10 yi yajai gami sahwai waainiya piri' nadelyi. Waainiya daza' yi Gotiyare sinna tika widaya'na. Gotiyai aayagaa' aalyasi waainiya sasi ye'mwagakya yaka mi'. Aawa. Nabaai sai waainiya sa' gamire sinna tike' yi kaapiya kayaa'nanya' tivikiryanevi dimavadelyi. Sara dimavawijaavina kyoji a'mwe dazai sigyaaryare baavanakei yune nadelyi. Yi a'mwe dazai daanga kayaa'nanya' maaradelyi. Yi ejeliya nawi'nyaraavire tinnyariji yi Sipizipiya Diwinyare tinnyariji dika awitalange'na warikevi sila saalipaaya nadevi kayaa'nanya daza' maaradelyi.

11 Yi jisa' yida dika dazavi yi sareraavina daange' wijaavina. Yi jita daza' nabaai yuyagaa' yuyagaa' yimwaainagothe'. Yi a'mwe dazara sigyaaryari gamire a'mwa'mweriji lotuya yadivisaraji baave' gaminne yayavine' maarajai gazaizalyi sara nyilyaviji sawisaviji kave kwaamusabwi maapi'dera mi'.”

12 Sasare dazabwi yima'najavi yi Gotiyare a'mwe tewaanyara diraginna daapika! Yi a'mwera Gotiyare kiwinya midinna, yi jizaazari diraginna limwagapijara diraginna daapika!

13 Yi nimi kadika wi'nyina yadaazi Sigunyavidaa'nyi maangwiraaya piri' dara dina “Pikarya dara jitha! 'Dahaa'daasi a'mwera Naangeri diraginna wilamwaaidivi' jalikurakadivi' yi balapiji a'mwe bainika

dazara yi sahwaraya yilaaya yadiv'i' tewaanaanga winadere.' ” Kurya Tewaanyai kwalyi divani' “Yo, yi sahwaraya yadivita yagiyagi wawinya daza, daanga maa'divita daza yagalya'mavapiji yi kave mwaabi'dere. Sare' dare'nanyi. Sahwaraya yaasiwa' wiya yadivi' mi'. Aawa. Sahwaraya tewaanya yadivita sabwi, yi daza' sahwaraji ye'mwannigwiya yade'. Yi kumire diraginyabwi ku'maayabanna yima'naabathesi.”

Yirika Kwaakevaki tika munne maaryagaa'nesi.

14 Nabaai nimi tinna ayina wanganna. Yithaanyi! Yiraaya yaaka piri' wa'disi yi pwai yiraayavi A'mweraavine Kaimiraayaibisai yilamwaali'. Sai gamire minyaginyavi kingimwaaihi'nya goliya' kininnakei. Yi sai gamire asiri kwaari'masi' wana lika gurimaanga di'bwarakiniki' limwagakei.

15 Yi Gotiyare Anga nawi'nyavidaa'nyi ejeliya pwai walyaabina yaka yiraayavi mwaalika dazari jaka naanga dara dina “Gimire kwaari'masisi witiya tika munne dithaka! Yuya tika munne Kwaakevakiya mya mena yilake'na dithaka! Yi dahaa' yirika tika munne daza maarya'negaaki.”

16 Sara kudawa' a'mwe dazai yiraayavi mwaalikei sai gannya kwaari'masi' limwagarakisi tika munne Kwaakevakiya mya yilake davi'na yaka maryi'bwarakina yiwakelyi.

17 Yi ejeliya pwai Anga nawi'nya Sigunyavi mannikevidaa'nyi walyaabina. Nabaai

sai kwalyi' kwaari'mata di'bwarakiniki' limwagakerinera.

18 Yi nabaai ejeliya pwai kwaraanyaba yagalya'mavaka kaanna bina. Yi ejeliya dazai dikevi maremwaalya'ne diraginya' kininnakei. Yi sai ejeliya kwaari'mata lika gurimaanga di'bwarakiniki' limwamwakeri' jaka diraginna widina mu'nyadivisaraavina "Ginnya kwaari'mata dazi' lika di'bwarakiniki' maara'gizi yuya tika munne Kwaakevakiya giraipi'wilyabaariya ditha! Yi mari'bwarakina yija warina ya! Gamire tika munne yuya, giraipiya yuya mya mena yilake'na sara dithavamari'bwarakya!"

19 Sara widina kyiwa' ejeliya dazai gamire kwaari'masi' limwagaka yi Kwaakevakiya yuya tika munne wila giraipiyaviya yime'nya'bi' kihimavamaa'na yaka yi mari'bwarakina. Yi sai kihimavamaa'na, sila naanga giraipiya tima'mwanga ya'nevi kusawi tika munne daza mari'bwarakina. Sila naanga daza' yi Gotiyare sinna tika widayasi.

20 Yi anga naangeba mwasilaa warika sila dazavi pwai giraipiya yuya tima'mwannana. Sara yadaa'nyi sila savi mwasilaa tawe' walyaabina. Tawe walyaabina yada kaanya kuna kuna wawoka yune 1,600 sitaathiyamiya (300 kilomitaayavina) yaka munyaba oziyaraavire maangeyabanna (a'mwe tutaayai yunebanna) yiniga wi'na yilaabina yiwakesi.

*Ejelīya ata purīdaa'nyī daraalyara
kayaa'nanya aaya limwagesa'nesī.*

¹ Yī nīmī Sīgunyavī yībwarīdaakwia pīrī' warīkevi tīnna wanganna. Yībwarīdaakwia sa' naange', yī atīka maru'nakulya'ne'. Yī dara wanganna. Ejelīya ata purīdaa'nyī daraalyara kayaa'nanya a'mweraavi kayaaka yīgalya'ne limwamwaasa'. Nabaai kayaa'nanya daza mena kyīwawojī kwaakevi ayahī pīrī' yīma'naabathe' mī'. Kayaa'nanya ata purīdaa'nyī pwaraala dazangi Gotiyare sīnna tīka wīdaya' sa' mena yīwīna yadesī.

² Yī nīmī naange' saalaalya'bīsa' tīnna wanganna. Sa' sīnīmwananyā'bīsa' dīkesī ye'mwagakīnkabaaibīsa'. A'mwera malya' wawīla'na yadīvi' sīgyaarya dazari marulawakīna yīwaa'. Yī sahwarijī yī gamīre a'mwa'mwerījī yī ata gīlya gamīnne yaya' dahīlakakevijī marulawakīna. Yī sahwara saburīna “Aala!” yīwaasara. Sahwara saalaalya aaiizīya'bīta dazavi daavīna. Sahwaraavna Gotiyai pīradazabīsa mena wījaavake limwanna.

³ Sahwara Mozīzai Gotiyare yaasīwa'wawīnyare daasa', Sipīzipīya Dīwīnyarīne daasa' dīna. Daata daza' yī dare'na “Naangeigī Gotīya Dīragīnya Yuya Kīnīnnakeigī! Yuya yadīnya naangengī! Atīka maru'nakuīdaanyangī! Kingīyaigī a'mwe ajīmya yuyangīyaraavi maremwaaīdīnyaigī! Gīmīre saburaavi yīda'maraangengī! Neb- ulya'na yunewīnnanyangī!

4 Naangeigi nawi'nya giri'maayaigi gave yune
 pwainanyaiginyine'na
 Giminyina yi lika mi yadei aaihwilaka!
 Giminyine yaya' munyaba mamakilyi yadei aai-
 hwilaka!
 Gimire yida'nanya nawi'nyabwi ku'maayaba
 mena yima'niwake'na
 Ajimya yuyangiyara giminyawinna lotuya
 bahipi'deiginyi.”

5 Diwidaasi nimi tinna ayina wanganna
 yadaazi yi Sigunyavi Anga nawi'nya' lotuanga
 seli ange' jalikurakya'ne' sa' baasinyina.

6 Yi baasinyina yikevidaa'nyi ejeliya ata
 puridaa'nyi daraala dazara a'mweraavi kayaaka
 yigalya'ne kininnakera walyaabina. Sahwara
 baazi'ma'nya nawi'nyaange wana giri'maaya
 yaka livamwaja yadaasiya yira'nevera. Yi
 sahwara munnaanya goliya pwiyinevera,
 kumire kihisavi yunebanna pwiyinevera.

7 Yi gaala kininnaka daraai daraal-
 yaraavidaasai pwai ejeliya ata puridaa'nyi
 daraalyaraavina diziya goliya ata puridaa'nyi
 daraalya wijaavina. Yi Gotiyai yuyagaa'
 yuyagaa' gaala mwaaidere sinna tika wi'daya'
 yi sa' diziya ata puridaa'nyi daraala dazangi
 yunebanna maanga yeku'nari'.

8 Sagaa' Gotiyare byaannyasi diraginyasi
 sawaridaasi jisa' anga nawi'nya dazavi
 yunebanna wilaril'. Yi anga dazavi kusawi
 yiniga wi'na wiladei aane pwai kwai mi'.
 Aawa. Pwara nayaa yemwaaibi'dere. Ejeliya
 ata puridaa'nyi daraalyara kayaa'nanaanga ata
 puridaa'nyi daraalya sangi kumire wawinya'

mena kyi'mwannapi sahwarā Anga nawi'nya
dazavi wibi'dehaa'nanyi.

16

*Gotiyare sinna tika wiḍayavire diziya ata
puridaa'nyi daraalyang'nesi.*

¹ Yi anga nawi'nyavi kusawi maangwiraaya
naanga piri' kyima'n'iwa' nimi kadika
wi'n'iwa. Sa' ejeliya ata puridaa'nyi daraala
dazaraavi jaka diraginna dara dina “Sari
kaanya wawopiji diziya ata puridaa'nyi
daraala daza Gotiyare sinna tika wiḍaya'
kininnake dithimayila! Nabaai Kwaakevakina
walaawade'na!”

² Yi ejeliya aaya mudinanyai gamire diziya'
kwaakevina dimavaawina. Yi wa'waaya
(sokwavaanya) diraginya wana kayaa'nanya,
daanga pinya'ne a'mweraavi yima'nadere.
Yi a'mwera sigyaaryare baave' kininnakera,
yi sahware a'mwa'mweri lotuya yadivisara
sareraavi yima'nadere.

³ Yi ejeliya yawidaasai (2) saalaalyavi
gamire diziya' dima'na. Yi saalaalya' a'mwe
bainikerabita tawe' yima'nyina. Yi yuya
saalaalyavi gaala mwaaihasa, sa mena balina.

⁴ Yi ejeliya daraai dalyai (3) aalyangiji
aaliyiminyangiji gamire diziya' dima'na. Yi
yuya daza tawe' yima'nyina.

⁵ Yi nimi kadika wi'nyina yadaazi ejeliya
aalyangi maremwaaidei dina
“Gimire kotiyavi kayaa'nanya dazaburaavi
maryawibwa'dinya'na

Nawi'nnya nebulyaigi! Yi yida'maraangeigi
mwaaihinyaiginyinera.

Dahaa' mwaaihinyaigi, sinnawi kigaakuna
mwalyeigi!

⁶ Kayaa'nanyara gimire tewaanyaraaviji
wi'nawijiwaakyaraaviji tamakesare.

Yi tamakadivi' kumire taweji' dimavesare.

Sarevi sahvara nipi'de'na aalitawe'
wijawaanyare.

Kunnya kayaa'nanya tivikisa' ma'mwaasa'
tewaanyasi.”

⁷ Sara dina kyiwa' yi nimi kadika wi'nyina
yadaazi kwaraanyaba gami sa' jaka dara diwa'
“Yo, Naangeigi Gotiyaigi Diraginya Yuya
Kininnakeigi

Sareraavi maryawibwa'mwaanyanna neb-
ulyabwi yunewinna yida'maraangesi.”

⁸ Yi ejeliya daraai daraalyai (4) gamire dziya'
nyilyari dima'na kyiwa' yi Gotiyai nyilyari wan-
ganakina yadaa'nyi sai a'mweraavi di'daanya
wi'niwa'.

⁹ Nyilyare dika naanga daza' yi sa'
di'daananga kuna yada yi a'mwe dazaraavi
di'daananga wi'nyina. Yi sahvara Gotiyarine
yayavi biraiyagaala dina. Yi Gotiyai
kayaa'nanaanga dazangi yidika'devurine
diraginya kininnakei. Kiri' sahvara
biraiyagaala dina, simunya mudikebwi
myawiramaaryadivi' yi gaminne yaya'
byaannake' makidivitara mi'.

¹⁰ Yi ejeliya atilyai (5) gamire dziya'
sigyaaryare kinginamwaalyisavi dima'na.
Sara dima'na kyiwa' jihinya' sigyaaryai

maremwaaideraavi jinnyina. Sahwara daanga kayaa'nanya' kuna maarina yiwaasavidaa'nyi kunnya taalisa tika da'nivaniga'.

11 Sahwara kunnya daangennaji wa'waayannaji yawi'divi' yi Gotiya Sigunyaviyar' yagaabiraizika yina. Kiri' sahwarara simunya mudikebwi myawiramaaryadi' yi kumi yadivita saburaavina bule'na mujaayi yiwaa'.

12 Yi ejeliya ata puridaasi pwainanyai (6) gamire diziya' Aalya naanga Yupiretiziyavi dima'na kyiwa' yi aalya sa' yaalika yunewinna yilina yaka tusa' nyilyai bilyiri'dimagidaa'nya kingiyara kaanya bya'nevi yawibwarakina.

13 Yi nimi tinna wanganna yadaazi nyaabulyabisa daraai dala yimakera bina. Yi kabaraawaryare maangevidaa'nyi yi sigyaarya sare maangevidaa'nyi yi wi'nawijiwaakade kwaasiya sare maangevidaa'nyi daraai dalyara walyaabina.

14 Sare' dare'nanyi. Kulaka kayaa'nanya dazahinza yimakeraavire kulakengi. Nabaai yijiwaala dala nabinabinya, atika maru'narya'ne yadivisare. Sahwara Kwaaka yuyavaki mwaihasaraavi maremwaaidivita kingiyaraayawinna kaanya wina yiwaa'. Sahwaraavi "Mari'bwarakaana!" deva mala bwa'nya'nevi Gotiya Diraginya Yuya Kininnakere yirika naanga dazagaa'nevi makabina.

15 "Yithaanyi! Nimi a'mwe kukei bi'ma'devaabi' sariminyawinna bi'mavideinyi. Sarevi yi nabaai a'mwei se mwaryoji, yi

gamire baazi'ma'nya kannyila gaminyaba nayaa maremwaaidei mwaalojiyai yi sai yilaaya yada tewaanaanga winikela! Yi sahwai yune kilaakeji'nanyai yamaryade'na mi'. Yi a'mwera gamire wagilya' wangabi'de'na mi'."

16 Yi yimaka sahwara simagi Yiviruyagaalyavi "Aamaahethoni," wo'nikebanna kingiya dazaraavi marirakurakina yiwaa'.

17 Yi ejeliya ata puridaasi pwaraalyai (7) gamire diziya' sigunyaviya yihusavi dima'na. Yi Sigunyavi Gotiyare Anga nawinyavi gamire kinginamwaalyisavidaa'nyi maangwiraaya naanga piri' jaka diraginna dada yi jaka daza' mwasabanna yinigwalyaabinna. Sa' dara dina "Mena yima'nawaabi'!"

18 Dina kyiwa' yi yinamiraata baake mwasa'bi' livapina, yi purinya yinnyina, yi yimunya pilina, yi wininya naange' yima'nyina. Wininya daza' yi sa' naangaange', yi yuyagaa' a'mwera Kwaakevaki gaai mwalyaatagaa'daasi wininya pini aawa. Sinnawi kigaakuna wininya piri' daza'bi' naanga sasara yaka mi'.

19 Wininya naanga daza' yima'nyina kyiwa' anga naanga daza' davakaai dava' yima'nyina. Yi ajimya yuyangiyaraavire anga naanga sa wala'na yada yi kayaaka yinyina. Yi Gotiyai Anga naanga Baviloni dazavina simunya yawi'na yaka kaapiya waainiya' kininnakei wijaavina kyiwa' sa' yuneba nyina. Waainiya daza' yi sa' Gotiyare similika naangevine sinna tika widaaya'.

20 Yi ahu'manna yuyara likaanya mena wina, yi ayahi mugunya piri' mwaryawi.

Mabiramaaryawi.

²¹ Yi liviku'jiziri'mya naange walaabina. Yi yuyawi sirimya pwaina pwainanyara taanga saaigilyavirebi' yina yaka. Daza sigunyavidaa'nyi walaabaka yi a'mweraavi a'ba bwala'na. Yi sahwaru wana kayaaka naanga yinyina sirimyangi. Sarevidaa'nyi sirimya daza sahwaruavi kayaaka naanga yigalak>wakenna Gotiyari biraizika widina.

17

Yaasiwa'na maradakunamaryade naange' tivikita kayaa'nanya' maarake'nesi.

¹ Ejeliya pwai, ejeliya ata puridaa'nyi pwaraalyara dizaia ata puridaa'nyi daraalya kininnakeraaviya pwai yi sai baka niminyi dara widina “Kaaja! A'mwe yaasiwa'na marapinamaryade naange' aalya kwalaalyangi yilamwaalike' gannya tivikita kayaa'nanya' maaradevina givwaridaakude'nanyi.

² A'mwe dazasi Kwaakevakia kingiyara girikita'nanyabwi yadivisa'. Yi a'mwe yuya Kwaakevakiyara sara kwaraji a'mwe dazavire waainiya' ye'mwannanadivisare. Yi waainiya sa' gamire girikita'nanyabwi. Yi sara yeva a'mwei biyaaya nada yimaka widevaai'bi' sahwaru yiraataate lawalawe yima'nyina yesare.”

³ Yi Kurya Tewaanyai niminyi diraginna bulamwaaina kanyawa' ejeliya sai kwaaka a'mwera maayabanna niminyi makuna. Yi dazimagi a'mwe pir'i' sigyaarya wayaaka

pwari munyaba yilamwaaidi'nyi nimi tinna wangamwa. Sigyaarya dazai yi sai yaya kwalaalya kininnakei gamire kilaakejiki. Yi yaya yuya daza yi Gotiyarina biraiyagaala dala pininna pininnanya. Yi sigyaaryai minyaginya ata puridaa'nyi daraalya kininnakei yaka minyagizaanya atiraalyajiyai.

4 A'mwe daza' baazi'ma'nya kingiyaresi wayaaka nabinnanyasi wakinike' yi dala pininna pininnanya nigwilalaaka goliya kininnake', yi nigwilalaake sila nawi'nyangeji turyaanga kwaalike'bita paidapaide yira'nadejya'. Sa' gamire asiri yi kaapiya goliyai limwagarike'. Yi dala pininna pininnanya Gotiyare tinnyari wana butirinya winnikebwi yi a'mwe dazavire dala pininna pininnanya girike girikita'nanya yadevwi kaapiya dazari yunebanna yi'nadi'nyi.

5 Yi gaminne yayavina gamire yamevi pikarya' wa'di'nyi. Yaya daza' yulyakiyagaalya' kininnake', yi yaya yidasa' sa' daresti. Anga Naanga Bavi'loni. Yaasiwa'na marapinamaryadivita yuyangi kuvinaange'. Yi Kwaakevakia wana butirinya winnike yuyaburaavi aaya kaavilya'. Yi yaya saresti.

6 A'mwe daza' Gotiyare tewaanyaraavi tamakadesi. Yi a'mwera Jizaazari diraginna limwaga'divi' gaminyina yune jalikurakadivisaraavi tamakina. Yi a'mwe daza' kumire tawe nada (tamakada) yimaka widaasi tinna wangamwa.

Yi nimi dazavi tinna wanganena yi lika yiwainena atika naanga maru'na'na.

7 Atika naanga maru'na'na ky+wa yi ejeliyai n+im+ny+ wi+d+na "Atika be'na maru'na'mwaa? Yi sawaar+ne yoimavajal+ikurakyavi aaya kaav+lya' givwar+daakudeiny+. Yi a'mwe dazav+naji yi sigyaarya m+nyag+nya ata pur+daa'ny+ daraalya kin+nnakei yaka m+nyag+zaanya atilyaj+yai a'mwe dazavi kaanya makuvan+ker+naji givwar+daakudeiny+.

8 Yi sigyaarya dazari tinna mena wangamwaanyai yi k+gaakuna sai mwalyaakei, yi dahaa' sai mamwaaly+!. Kiri' divi yi sai y+ror+la daanga maaya dazav+daa'ny+ yidaavadely+. Yi y+laabathei kayaaka yuya y+w+na yadely+. A'mwe Kwaakevak+yara Got+yai Kwaakeva' wakyaakegaa' gam+re bukuya gaala mwaalya'niri kum+nne yaya' myav+karyaakera. A'mwe dazara sigyaarya dazari wanganap+j+ sahvara atika maru'na'na. S+nnaw+ sai mwalyaakei, yi dahaa' mamwaaly+i+kei, yi divi y+ma'naabathe' atika maru'na'na.

9 A'mwe s+munya kin+nnakeiny+ daakaji, datha' y+n+iga wi'na pada'galayaw+rana! M+nyag+nya ata pur+daa'ny+ daraala daza mugunya ata pur+daa'ny+ daraalyang+. Yi a'mwe daza' mugunya dazang+ y+lamwaal+keng+.

10 Nabaai m+nyag+nya daza king+ya ata pur+daa'ny+ daraalyare. Maremwaaid+iv+saraav+ya atilyara kayaaka mena y+neva (bwalareva) yi pwai dahaa' mwaal+i+kei, yi pwai king+ya mima'naaby+nany+. Divi sai mena y+ma'naabozi yi sai yune maal+i+kegaa'na nayaa mwaaladely+.

11 Yi sigyaarya dazai s+nnaw+ mwalyaakei, yi

dahaa' mamwaalyi'kei yi gami sai kingiya ata puridaa'nyi daraai dalyalyi. Kiri' sai kingiya ata puridaa'nyi daraalyaraavine kwai yi nabaai sai yinahu yiwina yadelyi.

12 Yi minyagizaanya atiraalyangi gimiti'na wangamwaanya, sa yi kingiya atiraalyara yima'nya'nerera. Sahwara kingiya mamwaalyaraavi. Aawa. Sahwara sigyaarya dazalyi kingiya diraginya' maapi'dere. Yi yune aawaaya pirivina (maali'kegaa'na) kingiya mwaai'b'dere.

13 Dazara kumi simunya avaala pibwinanyare. Yi sahwara kumire diraginyasi kumire maremwaalya'ne diraginyabulyi sigyaaryarina yanga wijaavip'dere.

14 Sahwara sigyaarya dazalyi gaidaa'na yipi'dera Sipizipiya Diwinyalyi mala bwa'nipi'dere. Yi nabaai sahwaravi Diwinyai malya' nebulya'na wavilavadelyi. Sai yuya naangeraavina Naangelyi. Yi sai yuya kingiyaraavina Kingiyalyi. Sare'na sahwai wavilavadelyi. Yi nabaai Diwinyai gannyaraji mala daza' wavilapi'dere. Sahwara jaka jivwaramaa'nikera, yune gannyara dahilak'nikera, gaminyi diraginna limwaga'divisare."

15 Yi ejeliya sai niminyi widina "Gimiti'na mena wangamwaanya aalya kwalaalya daza a'mwe yaasiwa'na marapinamaryade' munyaba yilamwaalike, yi a'mwe kilaaka dala nabinyaji'jiyaraji yi kwala bwa'naanyangiyaraji yi ajimya yuyangiyaraji yagaala ge gej'yaraji sarera.

16 Yi m'inyagizaanya atiraala dazangi t'inna mena wangamwaanya yuya dazaraji sigyaarya dazalyi sara a'mwe yaasiwa'na marapi'namaryadev'ina similika wimwaaladera gaminyi yikamaanga yima'nipi'dere. Yi sahwara sahirivi wana kayaaka yigalakapi yi gamire nigwilalaaka baazi'ma'nya marasipi'de' kannyimaaya mwaalade'. Yi nabaai gamire kilaakejikiya miwisa tika nipi'dere. Yi dikevi yuyaji' marirapi'deziki.

17 Sare' dare'nanyi. Mu'nyadivisara kwara kiri' Gotiyai kumire simunyangi gamire simunya wijaavadelyi. Yi sahwara daza yima'nade yipi'dengi, sinnaw' sai mena dake' sahiri'na. Yi sahwara simunya gave piri'na w'waradera, yi diraginya daza' sahwara kingiya maremwaalya'ne' maaresa' yi yuya daza sigyaaryarina wijaavipi'dere. Yi sahwara kuna yiwopiji' Gotiyai yuya yunebanna yajahaa'na gami sai dakenna.

18 Yi a'mwe daza' gim' t'inna wangamwaanya', yi anga naanga dazaba kingiya Kwaakevakiyaraav'ina munyaw' mwaaidevera."

18

Anga naanga Babiloni kayaaka yinake'nesi.

1 Sangi dividaa'nyi n'imi t'inna wanganna yadaaz' ejeliya pwai Sigunyavidaa'nyi walaab'na. Sai diraginya naanga nebulya' kininnakei yi gamire byaanna Kwaakevaki livamwaja naanga yiwa'.

² Sai maangwiraaya naange' jaka diraginna
dara dina

“Mena bwala'mwa'. Anga naanga Baviloni mena
bwala'mwa'.

Anga naanga Baviloni saba kayaaka mena
yimwa'.

Dahaa' anga saba yimakeru mwaaidivisaba
yima'nwa'.

Kulaka kayaa'nanya gazaizalyi saba kave
mwaaidivisaba

Yuta girikita'nanya gazaizalyi kayaa'nanya gaza-
izalyi mwaaidivisabane!

³ Dare'nanyi. Ajimya yuyangiyara gamire
waainiya' nesa'nanyi.

Waainiya diraginya sa' girikita'nanya kwalaalya
nadivisasi.

Kingiya Kwaakevakiyara a'mwe
dazasi girikita'nanyabwi
ye'mwannayadivisa'nanyi.

Mubiwawinya Kwaakevakiyara dazavi nigwia
kwalaalya maa'divisa'nanyi.

Dala pininna pininnanya girikita'nanya
sahirivire saburi

Nigwihiraya kininnakera nigwia naangejiyara
yima'nadivisa'nanyi.”

⁴ Yi nimi kadika wi'nadaazi Sigunyavidaa'nyi
maangwiraaya pir'i yinyina. Yi sai dara dina

“Mwasilaanna dalyaabyi! Nimire a'mweihi
dazavi dalyaabyi!

Gamire kayaa'nanyaji sahirisi
ye'mwannemwaala nyipika!

Kayaa'nanyangire tivikita sahirisi giraku'nya
nyipika!

5 Gamire kayaa'nanya daza yaaye
naange'bisangi.

Kuna yima'nigoda yune Sigunyavina yivanì'.
Gamire yiwetawakyabwina Gotiyai mena
yawiramaa'manì'."

6 "Pwaihi, daza' tivikì'devaai' yinigevwina
nayaa dirivikiri!

Gazabwizabwi yakenna tivikita pirivaalya
nayaa dimaragira'mwagemwaalyi!

Sa' kaapiyari aalya kayaa'nanya diraginya'
ginyiwadesi.

Kaapiyarìne aalya gazasa' tivikita pirivaalya'
dimaragira'mwagyi!

7 Sa' yune gaminne yaya' munyaba makida
Kayaa'nanya dala pininnanya kwalaalyabwi
yadevaai'

Sarimì a'mwe savina daanga kwalaalya
duzaayila!

Yiniga wi'nanya gamire yade kayaa'nanya daz-
abwina

Kale kwalaalya wijaaya'na sarimì nayaa
dirivikirila!

Gamire simunyavina a'mwe sa' dara dadesi.

Kwinìya'nyì mwaaihe. Nìmì
kingìnamwaalyisavi yilamwaaie.

A'mwei kabalojì yaanyìwaake' mwaai'evaai'
sasare'nyì mì'.

Kinna javwi, taanginyabwi nyìma'naabathevwi
mì'. Arìkewì.

8 Sarevidaa'nyì yune yirìka gave pigaa'na
wima'nadevulyì.

Kayaa'nanya dala pininna pininnanya sahirivì
yìma'nadengi.

Baryabulyi kinna kayaa'na jinaryabulyi
m+jikebulyi y+ma'nadevulyi.

Gotiya Naangei maryaw+waradei wana
dirag+naangei mwaalike'na

Dike' Anga naanga Bavi+loni savi nasi'na yadesi.”

⁹ Kingiya Kwaakevak+yara sasi
gir+kita'nanyabwi ye'mwannayad+visara
gamire kwalaalya wabah+laakebura
ye'mwannayad+visara kinna, jakinna dipi'dere.
Jisa' ky+ma'noj+ dikev+daa'nyi yoji dike'
savi winadaawoji y+ kingiya dazara tinna
wanganapiji y+ nabaai sahwaru kinna dad+vi' y+
kunnya kih+sangi mala tanni+pi'dere.

¹⁰ A'mwe sahir+i' daanga kayaa'nanya' ka-
maaroji sahwaru lika naanga yipi'dere. Sare'na
y+ sahwaru sahir+ivi' menyaba daavapiji y+ dara
dina

“We! We! Anga Bavi+loni+giny+na kale neyiwa'.

Gimi' anga naangebaji, anga naanga
dirag+nyabaji!

Yune aawaaya pir+iv+na gimire jidasa'
y+ma'niwa'.

Gimire wagi+yav+na tiv+kita kayaa'nanya da'
gima'niwa'.”

¹¹ Yi' a'mwe Kwaakevak+yara mubya
yad+visara anga naanga dazabanna simunya
yaw+rap+ri kinna dad+vi' sav+na y+ munyi'
taanginyara mwaai+bi'dere. Sare' dare'nanyi.
Kumire gi+yiv+isa ayahi mubathei aane pwai
kwai mi'.

¹² Gilyiv+ita daza y+ goliyasi silivaayasi
sila naw+i'nyaangeji kwaan+ituryaangeji
y+ naw+i'nyaanga kwaabi+yiv+ita yaakeji

kwaabi+yivita kingiyareji kwaabi+yivita
 paidapaide yi'de silikaayaji kwaabi+yivita wana
 wayaakeji yi yuya yi'naanya dala pininnanya
 wabatirinya kininnakeji yi yuya tinna wan-
 gadiyi' wabahi-laaka yadivita elapaaniyaraavire
 saanyaburaavi yavikaryadivisaji yita mubya
 naanga wakadivisa yavikaryadivisaji biraaziya
 kwaari'mayaginyaji sila bwaihirabwaihirata
 yinike kininnake yavikaryadivisaji

¹³ yi dawaryaji wabatirinya aamona'
 mijata purya'nesi kwaagita wabatirinya
 yiravayihwia'nejji marazinanya dala pininna
 pininnanya tirinya kininnakeji saadaaya
 nawi'nyaji yi waainiyaji welivananya nya'nejji
 pilawaaya girikula ya'ne nawi'nyasi witiyasi
 yi bulimakaawoyaraji sipizipiyaraji oziyaraji
 oziyara mwagi'namarya'nejji kilaakejisiyara
 a'mwe gaala kininnakeraji. Yuya daza ayahi
 mubipid'era mi'.

¹⁴ A'mwe mubya yadivisara dara dipid'ere
 "Tika munne daza maarya'na gimire simunya'
 githikaa'de yi yuya sa giminyi gyahalya'mavaka
 kaanya mena wiwa'. Yuya tika wapaaya
 nawi'nyanna nawi'nyannanya mubya naange
 kininnakeji gimire yuya nigwilalaaka
 nawi'nyanna nawi'nyannanyaji yuya sa giminyi
 mena gyahalya'ma'mwakengi. Nabaai gilyivita
 daza giminyi ayina magwaryadori a'mwera
 tinna mwanganyi yipid'engi. Aawa. Arikawi."

¹⁵ Yi gilyivita dazangi mubya yadivita
 dazara mubadivi' gaminyi nigwia kwalaalya
 maa'divisara gamire daanga kayaa'nanya'
 maaradevina lika naanga yapiji gaminyi

menyaba daapi'dere. Yi sahwara kinna dadivi' yi munyi' taanginya mwaaibi'dere.

¹⁶ Yi sara yadivi' dara dina

“We! We! Anga Naangebagini'na kale neyi'waka!

Kwaabi'yivita nawi'nyaangeji' kingiyaraavireji' wana wayaakeji'

Yuya saza gimire kilaakevi' paidapaide'na baazi'ma'nike'gi'

Yi sa'gi yune kilaakejiki' yiwaala yiwannadi'

Nigwilalaaka goliyaji' sila nawi'nyaji' kwaalituryaangeji'!

¹⁷ Yune aawaaya piri'vina gilyivikiravinakebwi gihaimwake'na we!

Nigwia yuya dazaji' nigwilalaakeji' kayaaka yinyina!”

Yi sipiyavi' maremwala gazaizalyi' yi a'mwe gazaizai sipiya mubada piwinna kaanya wiya'nelyi' yi yuya sipiyavi' yadivisaraji' yi saalaalyavi' a'mwe yuyara mubiwawinya kininnakeraji' a'mwe dazara Babiloni' menyaba daaveva

¹⁸ dikevire jisavi' sahirivi' dike' winadaasiya' tinna wanganna yadivi' jake' dara danganna “Anga naanga dazaba avaainanyaba anga naangeba gava warika!”

¹⁹ Yi sahwara kwaakevire tirya' kunnya minyaginyangi' livama'nyina yeva kinna dina yeva yi munyi' taanginya yima'nyina yeva mwaalina yadivi' jaka dina

“We! We! Anga naangebanna kale neyi'wa'.

Nigwia naanga anga naanga dazabanyangine ma'daanyaina

Saalaalyavɪ sipɪyangɪ kuvɪnɪmaangeina
 nigwɪhɪravɪnakeina yɪma'nadaanyainera.
 Yune aawaaya pirɪvɪna kayaaka yɪnɪwake'na
 we!"

20 Sɪgunya'gɪjɪ Gotɪyare tewaanyaihɪlyɪ yɪ
 Wɪdaasadeihɪlyɪ wɪ'nawɪjɪwaakadɪvɪtaihɪlyɪ
 dahaa' yɪma'nɪwake'na sarɪmɪ yuyaihi yɪlaaya
 jɪla! Gotɪyai sahirɪvɪ maryawɪbwaraka
 kayaa'nanya' tɪvɪkɪ'mwake'nanyɪ. Sarɪmɪnyɪ
 yɪhyaka sasare dazabwi tɪvɪkɪ'sa' wiwake'nanyɪ.

21 Yɪ ejelɪya diragɪmaraanga pwai sila
 pwai maarɪna. Arɪnga sila naanga wɪtya
 gɪla'mwadeibɪsai. Ejelɪya sahwai sila dazai
 munyaba makina yaka yɪ saalaalyavɪ kewɪnɪnna
 maralɪvaranna yaka yɪ sai dara dɪna

"Diragɪnna maralɪvaramwebaaiɪbɪ'
 yɪkamaangera maarɪna yapi

Anga naanga Bavɪlonɪ kewɪnɪnna diragɪnna
 lɪvarabɪ'devera.

Savɪ a'mwera tɪnna ayahi pirɪsɪ bɪrawangabɪ'de'
 mɪ'.

22 Gɪmɪnyaba piradayavɪre jakesɪ daata dadɪvɪta
 yagaalyasɪ

Gwarengɪrejɪ pihulɪyarejɪ kadɪka ayahi
 gu'nɪpɪ'dera mɪ'.

Aawa nebulyasɪ. Arɪkewɪ. Aane pirɪ' kirɪ'
 mu'nyɪna.

Wawɪnya dala pinɪnnanyangɪ sɪdu'nakeraavɪ
 ayahi bɪrawangabɪ'dera mɪ'.

Gɪmɪnyɪ sasarei mwaaidoriyai aane pwai kwai
 mamwaalyɪna.

Sɪlyare jake' wɪtya gɪla'mwadaawori ayahi
 gu'nɪpɪ'dera mɪ'.

Gimire mijike'na tika wapaaya piri' kiri' mwarina.

23 Laamivananyavire di'baake' giminyi ayahi piri'si givade' mi'.

Maangwiraaya kwala maarya'nere' maa'nya'nevire' ayahi gu'nipi'de' mi'.

Giminyaba sasareyore aane piri' kiri' mu'nyina.
Dare'nanyi. Gimire mubiwawinya kininnakera
Kwaakevakia naangera!

Ajinya yuyangiyaraavi gimire giri'nyanna
kwaasikuna wijiwaalaginya'gi!

24 Gaminyi yiwetawakya tawe
wi'nawijiwaakyaaviresi
Gotiyareraaviresi wari'.

Anga naanga dazaba sahwaravi yune
tamakadivisaba!

A'mwe Kwaakevakia yuyaraaviji
tamakadivisaraavine yiwetawakya
wari'."

19

*Sigunyavi "Aawi!" daata dadi' Gotiyarina
yilaaya yesa'nesi.*

1 Sahinngi dividaa'nyi jaka naangebisa'
Sigunyavi kwala naangeraavire' nim+ kadika
wi'nyina. Yi sahwarada dara dina

"Nemi Gotiyarine yaya' munyaba makilaa!
Aaleluya!

Nemire Gotiyai yune gave sawaina nevadai-
hasamaarya'nebulyiyai!

Byaanna kininnakei diraginyabwi kininnakei
yune mwaalikei!

² Dare'nanyi. Gotiyai maryawibwa'denna nebulabwi yunewinna yida'maraangesi.

Yaasiwa'na maradakunamaryade naange!
Kwaakevakiyaraavi kayaaka yigalakadesi.

Gamire girikita'nanya sabulyi sahwaravi
kayaaka yigaidesi.

Sarevidaa'nyi Gotiyai sahirivi daanga
kayaa'nanya' tiviki'mwake'nanyi.

A'mwe daza' Gotiyare yaasiwa'wawinya saraavi
tamakadesi.

Kumire tawe'na gannya yiwetawakya daza'
tiviki'mwakesi.”

³ Yi sawara pigasaai jaka ayahi dara dina

“Nemi Gotiyarine yaya' munyaba makila!
Aaleluya!

Dikevire jisa' anga naangeba dike' nivani'.

Yi jita daza' munyaba yuyagaa' yuyagaa' yimanaawi!”

⁴ Yi a'mwe naanga atizivilirai yaka pware asiri daraai daraalyaraji gaala kininnaka daraai daraalyaraji sara kwaakewinna walaruta'neva Gotiyarina kinginamwaalyisavi mwaalikerina lotuya yina. Lotuya yina yadivi' dara dina

“Sahirisi. Nebula naangesi.

Gotiyarine yaya' munyaba makilaana!”

⁵ Yi Gotiyare kinginamwaalyisavidaa'nyi maangwiraaya piril' jaka yinnigavina. Dara dina

“Gotiyare yaasiwa'wawinya yuyaihi

Gotiyarina lika yadivisaihi

Kwaakewinyaihiyiyi munyabanyaihiyiyi saihi

Nemire Gotiyari munyaba dimakilyila!”

6 Yi kwala naangera yi'bwa'nemwaaidapiya jake'bi', saawila naange yidaa'nyiya jake'bi', yi'munya naange pidaa'nyiya jake'bi' yi nimi kadika wi'nyina. Daza' jaka dina

“Nemi Gotiyarine yaya' munyaba makilaa!
Aaleluya!

Naangei nemi'ne Gotiyai Diraginya Yuya
Kininnakei

Dahaa' sai kingiya nebulyai yuna
mwaalike'nanyi.

7 Dahaa' nemi'ne munyi' nawi'nya yina yawaaji
Yi nemi yilaaya naanga kuna yawaaji
Gamine byaannya' munyabanna nayaa
makilaa!

Yirikegaa' Diwinya Sipizipiyai kwala
maarya'negaa' yima'niwa'.

Yi gamire a'mwe' gamiza' yavada'gainya yiwa'.

8 Gotiyai savina baazi'ma'nya yaake' wijaavina
yiwa'.

Baazi'ma'nya wana nawi'nya' wana livamwaja
yadaasiya'

Wana tirimaaya nebulya' gannya kilaakejiki
wakiwa'.”

Sare' dare'nanyi. Baazi'ma'nya yaaka nawi'nya
daza' yi Gotiyare tewaanyaraavire wawinya
yida'maraangengira.

9 Yi ejeliyai nimini'ni wi'dina “Yagaala datha'
pikarya jitha'! A'mwe dazara Gotiyai jaka
jivwaramaarakera munne naangevi Diwinyai
kwala maarya'nevina biwaasara yilaaya yadivi'
tewaanaanga winadere.” Yi sai nimini'ni wi'dina
“Yagaala daza yi sa yagaala nebulya'nanya
Gotiyarengi.”

10 Sara widina kanyawa' nimi kwaakewi gamire sivilyiraaryaba gidikusaba walaruta'nyina. Yi nimi sahwarina "Lotuya yima!" dena kiri' sai niminiyi widina "Gimi sasara minna! Gimiji gimire ja'mwera kwaraji yaasiwa'wawinya ye'mwannawidaayadinyainyi. Sarimi Jizaazarina diragina limwadivi' yi wijalukurakadivisaihiyi. Sasareihire avaiwawinyainyi. Yi Gotiyai yune gave pwainanyari lotuya nayaa diragina ji! Sare' dare'nesi. Jizaazarina wijalukurakyabwi yi Kurya Tewaanyai wi'nawijiwaakyaraavi yidika'daa'nyi wijiwaakadivita sasare dazabulyi."

A'mwei oziya yaakeri munyaba yilamwaalake'nesi.

11 Yi nimi tinna wangadaazi Sigunya' kaanya basinadaa'na yinikevi, yithaanyi, oziya yaaka pwai mwaalina. Sari a'mwei yilamwaaina. Gaminne yaya' yi darei. Gotiyare yawita yuyangi nayaa limwaga'dei, yi nebulya'ne aaya kaavilyai. Nabaai sai yune yida'maraangeburiina pada'galamididevi yi a'mweraavi kotiyavi maryawibwa'da yi sai malya' bwa'delyi.

12 Gamire tinnyai ditaalisa'. Gamire minyaginyavi kingimwaaihi'nya kwalaalya warike. Gaminne yayavine pikarya' kininnakei. Yaya dazavi aaya kaavilya' gami gave yune sawaina yawi'delyi. Yi a'mwe pwara aawa.

13 Gamire baazi'ma'nya yunewinna yalawakya saamigwazaaya gami wakika sa'

tawevî jiwînikesi. Yi sahwarîne yaya' dara wo'nîkesi. Gotiyare gaminyîna Yagaalyala!

14 Aamiya Sigunyaviyara kunnya oziya yaakeraavi yilamwaaina yeva sahwari dîvidaa'nyi midîna. Kumire kilaakejikaavi baazi'ma'nya yaaka wana giri'maaya nawi'nyaange yira'nevera.

15 Yi oziya yaakeri yilamwaalika dazare maangevîdaa'nyi kwaari'masîramînya walyaabînike'. Kwaari'masîramînya daza' saami gwazaaya' wana lika gurîmaanga dî'bwarakînike'. Yi nabaai dazasi sai a'mwe ajîmya yuyangiyaraavi tamakade'nanyi. Yi nabaai gami sai yita aayîniyarî' lîmwagaroji sahwaraavi diragîna maremwaaladelyî. Nabaai gami sai sila naanga giraiyîya tîma'mwanga ya'nevî waainîya' gîla'mwagathelyî. Waainîya daza' yî Gotiyai Diragînya Yuya Kinînnakere simîlika naangevine sinna tîka wîdaya'.

16 Sai gamire baazi'ma'nyavi gamire tî'munyavi gamîne yaya' pîkarya yîda'nîkei. Yaya daza' yî dare'

“Yuya kingiyaraavîna Kingiyai yuya naanger-aavîna Naangela.”

17 Yi nîmî tîna wanganna yadaazi nyîlyarî ejeliya pwai daavîna yada yuta yuyara yîraayavi munyaba pîlavamaryadaapiyaraavi maangwîraaya jaka naange' danganna. Yi sai dara dîna “Sarîmî yîkabapi Gotiyare munne naanga dathavi dîzî'bwa'nyi!

18 ‘Yi a'mwe baimwaasaraavi tîka naana! Yi kingiyaraavîre kilaakejikaaviya mîwîsa, yî mîwîta aawîlasaraavi

maremwaaidi+v+saraavireji, yi miwita a'mwe diraginaangeraavireji yi miwita oziyaraavireji a'mwe oziyaraavi yilamwaaihasaraavireji tika naana!' dapi dizi'bwa'nyi! 'Yi nabaai a'mwe yuya pwara kwaraavire kilaakejikaaviya, a'mwe kave mwaaihasaraavireji a'mwe yaasiwa'wawinyaraavireji yi a'mwe maalikeraavireji yi a'mwe naangeraavireji miwita daza tika naana!' dapi dizi'bwa'nyi!"

19 Yi nimi tinna wanganna yadaazi sigaarya dazalyi yi kingiya Kwaakevakiyaraji kumire aamiya aawilasara kwaraji sahwaru mena yi'bwa'nyi'na. Sahwaru "Mala bwa'naade'nana," deva "A'mwe oziyari yilamwaalika dazalyi gamire aamiya aawilasaraji sahwaru mala ye'mwannabwa'naade'nana," deva mena yi'bwa'nyi'na.

20 Yi'bwa'nyi'na kyiwaa' kiri' oziyari yilamwaalikei sigyaaryaraji wi'nawijiwaakade kwaasi dadei sigyaarya dazare tinnyari yijiwaala kwalaalya yaderiji wila galyi'na yi'wa'. Yi kwaasi yijiwaaide sasare dazaburi wi'nawijiwaakade kwaasiya dazai a'mweraavi sigyaaryare baave' maarevera yi gamire a'mwa'mwe savi lotuya yevera saraavi kwaasi wiakebuliyaraai. Sigyaarya dazariji kwaasiya wi'nawijiwaakade dazariji sara galyi'na yaka saraai gaala kuna mwaaihiyaraari di'bunya naangaangevi di'daanya naange' nivanikevi sila saalipaaya' nivanikevi kewin'na maralivaranna yi'wa'.

21 Yi dazai oziyari yilamwaalika dazai a'mweraavi kwaari'masiraminya daza' gamire

maangevɪdaa'nyɪ walyaabɪnɪka dazasi tamakɪna yakere. Yɪ yuta yuya dazara a'mwe dazaraavɪre mɪwɪsa tɪka maranyɪna yeva yɪ kumɪre munyɪ' yunebanna winyɪna.

20

Saataanɪ kalavuzal kwaramel 1000 yɪ'namwaaaladel'nesɪ.

¹ Yɪ nɪmɪ tɪnna wanganna yadaazi Sɪgunyavɪdaa'nyɪ ejelɪya pwai walaabɪna. Gamɪre asɪrɪ yɪrorɪla daanga maayavɪre kɪya' lɪmwagarɪkei. Yɪ sai kwaari'ma'magazaawanya naange' kɪrɪsɪ lɪmwagarɪkei.

² Sai kabaraawarya dazarɪ galalɪmwanna. Kabaraawarya sai kamaala wana sɪnnawɪ kɪgaakunanyai. Sai Yuyaraavɪ Kotɪya Maryadei. Yɪ sai Saataanɪ, Yɪkamaangei (Sɪwaaakei). Yɪ ejelɪyai kabaraawarya dazarɪ yune kwaramel 1000 waanɪ taawɪzaniya kalavuzal yɪramwaaɪhya'nerɪ kwaari'ma'magazaawanyasɪ wɪla galapwɪyɪna yaka

³ sahwarɪ yɪrorɪla daanga maayavɪ kewɪnɪnna maralɪvaranna kyɪwa' sarei kewɪnɪnna walaawɪna. Maralɪvaranna yaka a'badaa'nyɪ kaanya' sahwarɪ yɪlarɪhɪ'na yaka dɪragɪnna jɪbwekɪna, baave' wakɪna. Saataanɪ kwaramel 1000 bawodehaa'na ajɪmya yuyangɪya a'mweraavɪ kwaasi ayɪna muja'nerɪ kaanya' jɪbwekɪna. Yɪ dɪvi sagaa' kwaramel 1000 mena kabwawojɪ ejelɪyai yɪralavadelyɪ. Yɪ sai yaasiwa' yamarina yadelyɪ yune maalɪkegaa'na.

4 Yi nimi tinna wanganna yadaazi kinginamwaalyita pinī wa'di'nyiyangi yi pwara yilamwaaiha'. Sara kotiyavi maryawibwarya'neraavi Gotiyai sasare wawinyavine diraginya' wijaawakera. Nabaai nimi tinna wanganna yadaazi a'mwe kwalaalyaraavire kuryara. Sahwara Jizaazarina nayaa jalikurakevera, yi Gotiyare yagaalya' diraginna limwagarevera. Yune sahirivine'na yikamaangera sahwaravi pwaraavire tilinnya woripuresara. Yi sahwaravi pwaraavi tamakina yesare. Yi sahwara sigyaaryari lotuya myadivi' yi gamire a'mwa'mweriji lotuya mi. Yi sahwara gamire baave' kumire yamengiji kumire asangiji mamaaryevera. Yi sahwara balesara gaalya' ayina maareva yi kwarame yune 1,000 dazagaa' Kiraazitiyalyi kingiya mwaiha'.

5 Daza' yi a'mwera ayina dikaapi'dehaa' aaya mudi'nanyagaaki. Dazagaa' a'mwe bainika pwara gaalya' mamariwaa'. Sahwara yemwaala yiga' kwarame 1,000 sagaa' mena kabawojine'na.

6 A'mwera ayina dikaapi'de aaya mudi'nanya dazagaa' sahwara yilaaya yadivi' tewaanaanga winadera mwaalapiji yi Gotiyare tewaanyara nawi'nya tewaanya mwaai'ndere. Yi nabaai baryabwi sa' pigasaalya' a'mwe dazaraavi marulawakya'ne diraginya maayasi. Aawa. Sahwara Gotiyarina mubithika yira'divisare. Yi Kiraazitiyarina yira'divisare. Nabaai sahwara kwarame waani taawizaniya sagaa' Kiraazitiyalyi kingiya ye'mwannamwaai'ndere.

Saataanimi wavilavade'nesi

⁷ Divi kwarama 1,000 waani taawizaniya sagaa' mena kabwawoji gamire kalavuziangeviya kaadihisa' kabaasoji Saataani gamire kalavuzavi yagalya'mavadelyi.

⁸ Sarei mwasilaa walyaabozi a'mwe ajimya yuyangiaraayawinna kwaasi yagaala wija'nei wina. A'mwe kwaakeviya tivimaginya dawaai dawaalyabanyara yi Kwaakevakiya yunewinyara yi Gohiyaraji Maahohiyaraji saraayawinna wina. Saataani sahwaravivi mala bwa'nyaneraavi mari'bwari'mwaaihadere. Kumire ata gilya saalaalyavi maangebaariya siweka sabisingi.

⁹ Sarera kwaaka saba yuneba yidaawadivi' Gotiyare tewaanyaraavire wa'mwaryaba, anga naangeba Gotiyari tewaanya wivu'nivanikeba yi saba yuneba kurita ghi'mavamwaimwaataraavina. Kiri' diki' Sigunyavidaa'nyi walaabozi mala bwa'nadaapiya saraavi dika nakiwakeraavina.

¹⁰ Yuyaraavi Kotiya Maryadei sahwaravivi kwaasi widade'na sare'na Gotiyai di'bunya naange' di'munange'na yadaa'nyiyavi sila saalipaayavi nade savi kewininna maralivaranna. Di'bunya sa' sigyaarya dazalyi kwaasi wi'nawijiwaakyabwi dade dazalyi saraai mena mwaaidakilyi dazahirivi. Sarevi daraai dala sara daanga naange' maapi'dere nyilyaviji sawisaviji yuyagaa' yuyagaa'ne'.

Naangegaa' maryawibwata naange' yima'nadevwines.

11 Nimi tinna wanganna yadaazi kinginamwaalyita naanga yaake' wa'di'ny'i nabaai namwaalyita sav'i pwai yilamwaali'. Sahwari Kwaakevasi sigunyavasi likaanya yenadaa'na yaka yimaanyi'na. Kirimi sawaareba kuneba.

12 Nabaai nimi tinna wangadaazi yi a'mwe bainikera, kwaakewinyaraji munyabanyaraji sara mwaaidapiyara kinginamwaalyita dazavire kusimagi daavina. Nabaai namwaalyisavi yilamwaali'kei sai bukuya piningi tilaayina. Sai bukuya pirisi maarina. Bukuya si gaala mwaalya'ni. Bukuya sangi pikarya yida'nikengi tinna wanganaka kumire yeta yuya sabwina a'mwe bainikeraavi maryawibwa'mwakere.

13 Saalaalya' gaminyi a'mwe yuya bainika mwaaihasaraavi ayina wijaavina. Nabaai Baryabulyi Bainikeraavire Angebaji sawaari a'mwe yuya bainika wlamwaaidapiya saraavi ayina wijaavina. Mena ayina wijaavina kyiwaai bainika saraavi gazaizari gamire yake yune sabwina maryawibwata yiwakere.

14 Di'bunya naangevi dika nivanika savina Baryabulyi Bainikeraavire Angebaji sawaai marasi'na yiwakelyi. Di'bunya naanga daza' barya pigasaalyasi. Ayawidaa'ny'i balyasi daza'.

15 Nabaai Naanga maryawibwa'dei a'mwe pwarine kwarine yayavi bukuya gaala mwaalya'ne siri mabiranganyoji sarevi, yithaanyi, a'mwe sari marasi'na yiwa' di'bunya naanga dika nivanikevina.

21

*Sigunya mudikevak+naj+ Kwaaka
mud+kevak+naj+ d+in+ike'nes+.*

¹ Yi n+mi+ sigunya mud+kevas+ Kwaaka mud+kevas+ war+ikewaai wangamwa. Sare' dare'nanyi+. Sigunya aayagaas+yavas+ Kwaaka aayagaas+yavas+ yunakaanna w+ina. Nabaai saalaalya' kir+s+ mwarina.

² Nabaai n+mi+ tinna wangamwa anga tewaanya dazaba Jeruzaalemi+ mud+ikeba. Anga naanga dazaba Gotiyai yasaab+ina ky+wa' Sigunyav+daa'nyi+ anga daza' walaab+ina. Ni+gw+ilalaa'baaka naw+inyaj+ya', a'mwe' kwala maarya'ne' ni+gw+ilalaaka naw+inyaange t+da kwala maa'nya'negaa' gannya a'mwer+ina yemwaaidevaai+ walaab+ina.

³ Sare' n+mi+ kad+ika w+iny+ina yadaazi+ king+namwaaly+sav+daa'nyi+ maangw+iraaya pir+ y+iny+ina. Yi jaka naanga di+rag+inna dara di+na "Y+ithaanyi! Dahaa' Gotiyare sel+ ange' a'mweraji+ ye'mwannamwaal+ika! Sahwaraav+ tinnyaba warades+. Yi gam+re byaannya' kum+ny+ ye'mwannar+ika! Nabaai sawara gam+ sawarera mwaaib+idere. Yo, Gotiyai gam+ kwaly+ ye'mwannamwaaladely+.

⁴ Kum+re ki+dalaai+ri+ka tinnyaraav+ wi+war+ike gazasa' yaal+ika yi+mwagathere. Baryabwi ayahi waradevwi m+!. Yi a'mwera ayahi baib+idera m+!. Si+munya' taanga ayahi winadera m+!. Jak+inna ayahi di+p+idera m+!. Daangeji+ maapi+idera m+!. Si+nnaw+inya sa mena yuya yi+w+ina yi+wake'nanyi+."

5 Kinginamwaalyita dazavi yilamwaalike sai dina “Yithaanyi! Nimi yuya sa mudike yavikarivanigengira.” Sara daka pirisi dina “Yagaala daza pikarya jithaka! Yagaala daza yuyara diraginna limwabizannaji naanga nebulya'nanya warike'naji sara jithaka!”

6 Sara daka niminyi ayahi widina “Yuya sa mena yima'n+waab+kengi. Nimi sahwayi, nimi aaya sinnaw+nyainyi (A). Aaya divineinyi (Z). Nabaai yuya sangine'na aaya kaavilyainyi. Yuya diraginya sa yunebanna yi'mwannadinyainyi. Nimi sahwayi a'mwe aalya'na mijika baimanikerina aalya yanga naanga wijaavidelyi. Aalya sa' nade'na aaliy+minyavi gaala mwaalya'ne'. Nimiire yanga naanga dazabwi s+humale yanga wijaavidelyi.

7 Nabaai a'mwei mala bwa'nyaburi yunebanna wawilavajai yi nimiire yanga naanga daza' maaradelyi. Ganimaangei gannya kaimiraayaraavina wijaavadevaabi' dathavwi maaradelyi. Nimi gaminyi Gotiyainyi mwaalidelyi. Nabaai sai niminyi nyibwaalivaangei wimwaaih+wijai mwaaladelyi.

8 Kiri' a'mwera lika yina Kiraazitiyarina 'Aala! Nabaimudika!' dina ayina gin+yira'div+isaraji a'mwe diraginna malimwagaryad+iv+isaraji a'mwe girikita'nanya dala pin+nna pin+nna yad+iv+isaraji a'mwengi a'mweraavi tamakad+iv+isaraji a'mwe ata limwad+iv+isaraji a'mwe giri'nya yad+iv+isaraji a'mwe kwaasigotiyaraavi lotuya yad+iv+isaraji a'mwe yuya kwaasi yagaala dad+iv+isaraji sara

kuminne tivikita daresi. Di'bunya naangevi sila saalipaayavi di'munange'na yarikevi sahwaravî marasi'nadere. Sa' yi Baryabwi Ayawidaasasi.”

⁹ Ejeliya pwai, ejeliya ata puridaa'nyi daraalyara diziya ata puridaa'nyi daraalyangi maangengi a'mweraavi kayaaka yigalya'ne yeku'naka aaya kininnakerajiya pwai, yi sai baka niminyi dara wida'na “Kaaja! Kwala maa'nya'ne sidiraaya' Sipizipiya Diwinyarine a'mwewina givwaridaakude'nanyi.”

¹⁰ Sara wida'na kanyiwa' yi Kurya Tewaanyai niminyi diraginya yivaimwanna kanyiwa' ejeliya sai mugunya naanga ke'mwewinya pirivina niminyi makuna. Sara nyaka Anga Naange' Jeruzaalemi Nawi'nya dazaba yibwaridaakuna. Anga daza' Gotiyai yasaabina kyiwa' Sigunyavidaa'nyi anga daza' walaabina.

¹¹ Gotiyare byaanna naange' anga naanga dazaba mwadaavina. Savire baaka wanyiwanya' yuna nabinya piribisa' wanyina, sila nigwia naanga mubadivita sangire baaka sabi' wanyina. Yi daza' sinimwavanahurika naangebisa', yi wana tirimaaya nebulya'nanya' sigujaaka sirimya'bisa' wanyina.

¹² Anga naanga dazaba sikurita naanga yinike' yune ke'mwewinanya'. Kurita savi tikurya atiraai sivilyiridaa'nyi pwaraalya warina. Sare' nabaai tikurya pirivi ejeliya pwai aya kiba gidaa'na. Pirivi pwai, pirivi pwai gidaa'na. Yi yuyangi ejeliya atiraai sivilyiridaa'nyi pwaraalyara aya kiba gidaa'na. Nabaai tikuryangi Yizireliyaraavire yisavaakidaa'nya

atiraai sivilyiridaa'nyi pwaraalyavakaavine
yaya pikarya yida'nikengira.

¹³ Sikurita nyilyai bilyir+'dimagi kaadihita
dawaai dasa' daavina. Nabaai sikurita
pimaginyav+ kaadihita dawaai dasa' daavina.
Nabaai sikurita pimaginyav+ kaadihita dawaai
dasa' daavina. Nabaai sikurita nyilyai
walakadimagi kaadihita dawaai dasa' daavina.

¹⁴ Sihurita anga naanga dazabanne sa'
kaavilyaw+ sila diraginya yivaimwagya'ne
atiraai sivilyiridaa'nyi pwaraalya kininnakesi.
Nabaai sila saraavi Sipizipiya Diwinyare
Widaasade atiraai sivilyiridaa'nyi pwaraala
saraavine yaya kininnakengira.

¹⁵ Ejeliya dazai n+miji yagaala ye'mwannadina
yivanikei yita goliyaginyar+' limwagikei.
Anga naanga saba kaadihisangiji sikurisaviji
yaamijiyita ya'neri' limwagikei.

¹⁶ Anga naanga dazaba yuna girila'nya
yivanika. Gamire saaminyavasi gamire
naangevasi yuyavakaai avaainanyavakaalyi.
Sahwai gamire yisaris+ yaamijita yina ky+wa'
anga naanga sabanya saaminyava' sitethiya
tiweliv+ taawizan+ya yima'nyina (2,400
kilomitaaya). Saaminyavasi sikurisaviya
naangevasi anga naanga dazabanne yunebanya'
munya ke'beva yilaawina yinikebaji yunebanya
yuya sa avaainanya.

¹⁷ Nabaai sikurita kiriviji yaamijita yina
y+wake' sikurisa' yune angajina 144 kyuvitiya
(72 mitaaya) yima'nyina. Metaaya daza'
a'mwera yuyangi metaayimiya yadivisa'
avaalyasi. Ejeliyai yaamijiyita sa' sikurisavi

yune metaaya sahirisina yiwakesi.

18 Anga naangebanya sikurisa' Gotiyai sila nawi'nya jaazipaayasi yavikaryakesi. Nabaai anga naanga saba yune goliyasina yavikaryakebe. Sarevi anga naanga saba sinimwavanahurike'bi' bwamwadiwina.

19 Anga naanga saba sikurikevi kaavilyawi sila nawi'nya dala nabinabinya nigwia naanga mubadivisaji Gotiyai ywaala yiwagakengi. Aayagaasa (1) sila nawi'nya sikurisavi kaavilyawinyai jaazipaayai. Nabaai ayawidaa'nyai (2) sila gwaagwaaja sapaayai. Nabaai daraai dalyai (3) sila ahetyai. Nabaai daraai daraalyai (4) sila yikiwa'ja emeraliyai.

20 Nabaai atilyai (5) sila wayaakejisi yaakejisi warike saathonikiziyai. Nabaai ata puridaa'nyi pwainanyai (6) wayaaka tawaja konyil'yan'nyai. Nabaai ata puridaa'nyi pwaraalyai (7) sila awi'ja kirizolaaitiyai. Nabaai ata puridaa'nyi daraai dalyai (8) sila saalaalyavi yijuza berilyai. Nabaai ata puridaa'nyi daraai daraalyai (9) sila nabinnanya awi'ja topaazyai. Nabaai atiraalyai (10) sila yikiwa'jajisi awi'jajisiyayi kirizopireziyai. Nabaai sivilyiridaa'nyi pwainanyai (11) sila nabinnanya gwaagwaaja aayazidiyayi. Nabaai sivilyiridaa'nyi pwaraalyai (12) sila nabinnanya wayaaka ametiziyai.

21 Kaadihita atiraai sivilyiridaa'nyi pwaraala sa nabaai kwaanituryaanga mubya naanga yadivita sivilyiridaa'nyi pwaraalyangi. Kaadihita gazasa' yi sa' kwaanituryaanga naanga yune pirisina yavikarinikesi. Anga naangeba tuta yuyangi yune goliya'nanyasi. Goliya

giri'maaya' widiwaayavire gilaaziya'bisasi.

²² Anga naanga dazavi Gotiyarine Anga nawinya' tinna mwanganywa. Mamannyika sare' dare'nesi. Naangei Gotiyai Diraginya Yuya Kininnakei, yi Sipizipiya Diwinyalyi Gotiyarine Anga nawinyasi. Gazabazaba yilaaya wiadivisa'nanyi.

²³ Nabaai anga naanga dazaba wanyiwanya ya'na nyilyalyi lawelyi saraarina wiginadeva mi'. Sare' dare'nesi. Wanyiwanya yune naanga Gotiyare'na wannadevanna anga saba. Yi gamire byaannya' wannadeva. Nabaai Diwinyai sahibanne wanyiwanya di'baakelyi.

²⁴ A'mwe ajimya yuyangiyara anga naanga dazabadaa'nya wanyiwanya baakevi kaanya yamaripi'deve. Nabaai kingiya Kwaakevakiyara sahibanne kumire nigwilalaakeji byaannyaji makabipi'deve.

²⁵ Yirikegaa' sikurita saviya kaadihisangi kaanya tihipi'de mi'. Arikewi. Yuyagaa' basinadaa'na yade. Sare' dare'nesi. Anga naanga saba sawisa' jinnadeva mi'.

²⁶ Sahibanna ajimya yuyangiya byaannyaji yaya munyaba makilya yuyabulyi makwibi'dengi.

²⁷ Gilyivita giri'naka aane piri' kiri' wilade' mi'. Gotiyare tinnyari wana butirinya winnikebwi yade aane pwai kwai aane piri' kiri' wiladei mi'. Kwaasi yagaala yade aane piri' kiri' aane pwai kwai wiladei mi'. Arikewi. A'mwe kumire yaya bukuya gaalya'nyiri Diwinyare bukuyiri yida'nikera, yune a'mwe dazahwarana wibi'dere anga naanga dazabanna.

22

1 Nabaai ejeliya dazai aalya naange' walyivanika pirivina niminyi yibwaridaakuna. Aalya daza' aalya gaala'ne sa' yuna sinmwavananya'bi' aaizya'bi' kimihita yadaa'nyiya'. Yi aalya daza' Gotiyalyi Sipizipiya Diwinyalyi sanidaare kinginamwaalyita savidaa'nyi yima'naka

2 anga naanga dazabanna tutaanya naangevi tinnyaba walyuna. Aalimaangebaari dihiriji kengihiriji yita gaala ya'nyi' waayi'. Kwarama pirivi tika munne atiraai sivilyiridaa'nyi pwaraai yinadengi. Yuya lawe sikaavi yisila daza yinadengi. Nabaai yita sare yikiwasa ajimya yuyangiyaraavi tewaanya naw'inya yima'nyanengi.

3 Nabaai Dikevi wimarasinya'ne gazasa' kunebe. Yuya daza ayina warade mi'. Gotiyalyi Diwinyalyi sanidaare kinginamwaalyisa' anga naanga dazaba waradevanyi. Nabaai Gotiyare yaasiwa'wawinyara gaminyi lotuya wimaripi'devanyi.

4 Nabaai gamire sinnyi' wangabi'devanyi. Nabaai gaminne yaya' kumire yamenginyira.

5 Sawisa' ayahi jinnade' mi'. Sarevi nabaai sahwaravi laamivananyavire baakesi nyilyare baakesi sawarina ayahi wigainade' mi'. Naangei Gotiyai sahwaravi baake' wijaaavade'nanyi. Nabaai yuyagaa' yuyagaa' sahwar kingiya mwaabi'devanyi.

Jizaazai walaabatherines.

6 Nabaai ejeliyai nīmīnyī dara widīna “Yagaala yuya daza yuna naanga nebulyangira. A'mwe yuyara sahinīngina dīragīnna līmwbīzangī. Naangei Gotiyarī wī'nawījīwaakadīvisaraavīre kuryaraavī dīhaa'bwa'dei gamīre yagaalya' wījīwaakya'na gamīre ejeliyarī maryasaabakelyī. Gamīre yaasīwa'wawīnyaraavī wībwarīdaakwia'na yuya daza yīme'nya'bi' yīma'nya'nenna maryasaabakelyī.

7 ‘Yīthaanyi! Nīmī yīme'nya'bi' walaabīdeinyīreva.’ A'mwei yagaala bukuya davī warīke mīdīnajai yī yagaala Gotiyai gīthīwake wī'nama'mwaanya wī'nawījīwaakīyagaala daza mīdīnajai yī a'mwe dazai yīlaaya yada tewaanaanga winadelyī.”

8 Jonīnyī yagaala dazahīnī kadīka wī'nena yuya dazahīnī tīnna wangamweinyī nīmī. Kadīka mena wī'nena tīnna mena wanganena “Sahwarī lotuya yīma!” dena kwadaai gīlīna yena ejeliyare sīvigī'nyīryawī yuya daza nyībwarīdaakwakeryawī walamwaaina.

9 Mena walamwaaina kyīwa sahwai nīmīnyī widīna “Gīmī sasara minna! Gīmījī gīmīre ja'mwera kwara wī'nawījīwaakadīvisarajī ye'mwannawīdaayadīnyainyī. Avaai-wawīnyainyī. Nabaai a'mwe yuyara bukuya davīre yagaalya mīdīdīvisarajī avaaīwawīnyainyī. Yī Gotiyai yune gave pwainanyarī lotuya nayaa dīragīnna jī!”

10 Nabaai sahwai nīmīnyī widīna “Gotiyare yagaala daza kadīka wī'nama'mwaanya wī'nawījīwaakīyagaala daza bukuya dathīrī

wari:kengi mamarabi:ku'din:nera! A'mwera
wangabi:ka! Sare' dare'nanyi. Gotiyare daza
ya'negaa' aya ki:ga'a' mena yi:waka.

11 'Aayagaa' sagaa' a'mwei yi:da'maraangebwi
marasi'nikei kayaa'nanyabwi yadei
kayaa'nanyabwi kuna yana! A'mwei
kayaa'na gi:ri:kita'nanyabwi yadei kayaa'na
gi:ri:kita'nanyabwi kuna yana! Nabaai a'mwei
tewaanya yi:da'maraangebwi yadei tewaanya
yi:da'maraangebwi kuna yana! A'mwei
nawi'nyai gi:ri'maayai mwaalajai nawi'nyai
gi:ri'maayai kuna mwaalaneva!'

12 Yi:thaanyi! Ni:mi yi:me'nya'bi'
walaabi:deinyira. Ni:mi:re ti:vi:ki:sabwi
li:mwaga'muji walaabi:deinyi. A'mwe
gazarizari gami:re yade yune saburine'na
wi:ri:vi:ki:ri:deinyira.

13 Ni:mi aaya si:nnawinyainyi (A). Aaya
di:vineinyi (Z). Yi ni:mi yuya sangine'na aaya
kaavi:lyainyi. Yuya di:raginya sa yunebanna
yi:mwannadi:nyainyi.

14 A'mwera kunnya baazi'ma'nya aalya
yipijara yilaaya yadi:vi' tewaanaanga winadere.
Sarera 'Tika munne yi:ta gaala'nyiki yiniga
maranaana! Anga naanga dazabanne
kaadihisangi yiniga wilawaana!' deva
yipinerera.

15 Gotiyare anga naangeba mwasila jilikeraji
a'mwe gi:ri'nya yadi:visaraji kayaa'nanya
gi:ri:kita'nanyabwi yadi:visaraji a'mweraavi
tamakadi:visaraji a'mwe silaangeraaviji
yisaraaviji kwaasi:gotiyaraaviji wi:dadi:visaraji
gazarazara kwaasi:yabwina wi:vu'nadera kwaasi

yadivisaraji a'mwe dazara mwalibainyina
yipi'dere mwasilaa. Anga nawi'nya savi
wilaabipi'dera mi'."

16 "Nimi Jizaazainyi nimore ejeliyari
sarininyawinna yihimaryasaabiwa.
Niminyine kusilaanyangiya anga geva
gevanyahirina yagaala daza jalikurakya'neri
yihimaryasaabiweinyi. Nimi sahwayini Yita
Devitimi aaya kaavilyavi pwipulyainyi. Nimi
gamire Kaimiraayainyi. Nimi silingaaminya
yirikwinyagaa' livamwaja yade' kaabwe
sahiri'nyi."

17 Kurya Tewaanyalyi Sipizipiya Diwinyare
sidi raayasi sawaai dina "Kaaja!" A'mwei ya-
gaala daza' wi'noj+ sai dara dana! "Kaaja!"
Nabaai a'mwei aalya'na mijika baloji sai bana!
"Aalya'nima!" yawiroji aalya gaala'ne' Gotiyare
yanga naange' bamaarana!

18 Nimi yagaala diraginya' widivanige. A'mwe
gazaizai Gotiyare w'nawijiwaakiyagaala daza
bukuya diri warike kadika w'nivanikeri
diraginna dara jalikurakivanige. Saigi yagaala
dazangina yagaala piri' mije'mwamwiya yijaigi
bukuya dathiri wana kayaa'nanya daza kayaaka
yigalya'nenna yida'nike sa Gotiyai giminyi
mije'mwamwiya gyatheiginyi.

19 Nabaai bukuya diri Gotiyare
w'nawijiwaakiyagaala dazangi yagaala
piri' marasi'nijaigi Gotiyai giminyi gamire
nawi'nyaanga bukuya dathiri yida'nikenna
gimarasinadeigi. Yi sasareigi giminyine yita
gaala'ne siki tika munne dimaranadeigi mi'.
Yi sasareigi anga naanga nawi'nya dazaba

yiniga wi'na di'mwaaideigi mi'. Aawa. Dazaburi
gimarasi'nadeiginyi.

²⁰ Yuya dazanna jalikurakivanika dazai
dahaa' dara dina “Yayo, nimi yime'nya'bi'
walaabideinyira!”

Sahirisi. Nebula naangesira. Naanga Jizaazai
dalaama!

²¹ Yanga gaimwanga naanga Jizaazare' sarimi
yuyaihilyi yihye'mwannamwaalana!

**Yipma Genesis and New Testament
Genesis and The New Testament in the Yipma/Baruya
language
Buk Stat na Nupela Testamen long tokples Yipma long
Niugini**

copyright © 1993, 1994 Wycliffe Bible Translators, Inc.

Language: Yipma (Baruya)

Translation by: Wycliffe Bible Translators

Video recording © The Jesus Film, a project of Cru.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

PDF generated using Haiola and XeLaTeX on 18 Apr 2025 from source files dated 9 Oct 2020

ef60f748-49e3-5ee0-8e6d-a25b74b7a93c